



# सानसेयारि बड'सा

सानसेयारि 'बड'सा' खौरांलाइयाव  
समाज्यादि जिज्जो लोब्बा थावाय रायथाय, बरन्थाय,  
सल', सल'बाथा आरु दावबायादि थावनि, पार्क  
बाइदिनि स्यायव लिन्नाय लिन्बिबाँ दैथाय ठर!  
सानसेयारि 'बड'सा' खौरांलाइया खेबखानै  
फोसावगोन।  
बड'सायाव लिन्ठरनायनि हुबा खालाम,  
'बड'सा' खौरांलाइया आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 1 April, 2024 Kokrajhar, BTC, Assam ★ Vol.- 34, Issue No. 8 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## बड'फा उपेन्द्रनाथ ब्रह्मनि 68थि जोनोम साननि लोब्बायै दुलाराय आसामनाडै फरायसा सान फालिदों बड'फा उपेन्द्रनाथ ब्रह्मनो भारत रत्न बान्था होनो एबसुनि दाबि

जेब्लासिम बर' माहारिया थागोन अब्लासिम बड'फानि सान्थौ आरो सानस्त्रिआ गोथाडै थाबाय थागोन: दिपेन बर'

कक्राझार, 31 मार्च: 31 मार्चआ बर' माहारिनि थाखाय मोनसे गोसोखांथि सान। मानोना 31 मार्चआ बड'फा उपेन्द्रनाथ ब्रह्मनि गोथार जोनोम सान। थांनाय 1956 इं माइथायनि दिनेनि सानआवनो थामहिनबा 31 मार्चआवनो कक्राझार जिल्लानि दतमा बरगारि गामिआव जोनोम मोन्दोंमोन बर' माहारिनि सासे आगोमा फिसा बड'फा उपेन्द्रनाथ ब्रह्मआ। बर' हारिनि रेखाथि, थामोन्था, खौरांथि आरो गुबुननि गादबनाय-नासयनायनिफ्राय हारिखौ उदास्त्रि खालामनायनि थाखाय बर' फोरनि गेजेराव खौरांथिनि लामा दिन्थिजेन्नाय आरो हारि उदास्त्रिनि थाखाय सोमावसारनायखौ देदेनाने बर' माहारिनि बिफा महरै गनायथि जानाय बड'फा उपेन्द्रनाथ ब्रह्मनि गोथार जोनोम साननि लोब्बायै दुलाराय बर' फरायसा आफादआ बोसोरफोमबो 31 मार्चखौ फरायसा सान महरै फालिबोदों। बड'फा उपेन्द्रनाथ ब्रह्मनि जोनोम सान 31 मार्चखौ राइज्योनाडै फरायसा सान महरै फालिनो थाखाय दुलाराय



बर' फरायसा आफादआ आसाम सरकारखौ नारसिनाय आरो खावलायबोवाय थानाय हिसाबै गिबि खेबनि थाखाय आसाम सरकारआ बे बोसोरनिफ्राय 31 मार्चखौ राइज्योनां फरायसा सान महरै फोसावनानै होदों। आसाम सरकारआ 31 मार्चखौ फरायसा सान महरै फोसावनाय हिसाबै दिने 31 मार्चखालि दुलाराय राइज्योनाडै फरायसा सानखौ फालिनाय नुनो मोन्दों। सिगां बोसोरफोराव फालिबोनाय बायदिनो बे खेबआवबो दुलाराय बर' फरायसा आफादआ बड'फा उपेन्द्रनाथ ब्रह्म फोथाय पुजिजों लोगो नांनानै जुथायै बान्जयानायव कक्राझार जिल्ला एबसुनि हेफाजाबजों बड'फा उपेन्द्रनाथ ब्रह्मनि 68थि गोथार जोनोम साननि लोब्बायै फरायसा सानखौ दिने कक्राझार जिल्लानि दतमा थुलंगापुरियाव सानसेनि मेहेरगोनं हाबाफारिजों फालिदों। फरायसा सान फालिनायनि हाबाफारि बायदिने फुंभिलि समाव गोथार आर'ज मेथाइखौ (□ 5 बिलाइआव)

### आसामनि गिबि खोलोब लकसभा बिसायख'थियाव सा 35 बिजाथिफोरनि गेजेराव बादायलायगोन

गुवाहाटी, 31 मार्च: फेगौ 19 एप्रिलखालि खुंजानो गोनां आसामनि मोन 5 लकसभा बियाब फारियै- डिब्रुगड, लक्षिमपुर, जरहाट, काजिरङ, आरो सनितपुर बियाबआव गिबि खोलोब बिसायख'थिनि थाखाय गासै सा 35 बिजाथिफोरनि गेजेराव बादायलायगोन। 30 मार्चआ



गिबि खोलोब बिसायख'थिनि थाखाय बिजाथिफोरनि नमिनेसन बिलाइ बोखारना लाफिन्नायनि जोबथा अक्ट'मोन। नमिनेसन बिलाइ बोखारनायनि जोबथा

सान सिगाडव जरहाट लकसभा बियाबनिफ्राय गोदान बिजाथि बाबा कुमिआ गावनि बिजाथिलाइखौ बोखारना (□ 5 बिलाइआव)

### कंग्रेस दोलोआ आसामआव लकसभा बिसायख'थिनि थाखाय स्तर केम्पेनारफोरनि मुं फारिलाइखौ फोसावबाय

गुवाहाटी, 31 मार्च: हादतनाडै खुंजानो गोनां लकसभा बिसायख'थिनि समआ खाथियाव सौफेनाय हिसाबै दासान्दि गुबुन गुबुन राजखाथि दोलोफोरा गाव-गावनि दोलोनि बिजाथिफोरखौ देहाहोनांगौनि थांखिजों बिसायख'थि फोसावदिनायखौ गोखों खालामगासिनो थानायखौ नुनो मोन्दों। बेबायदिनो बिसायख'थि (□ 5 बिलाइआव)



### तामुलपुर प्रेसक्लाबआ खौरांगिरिनि सायाव गाग्लोबनाय जाथायखौ गोखों रावजों सौंखारिदों

तामुलपुर, 31 मार्च: आसाम तकसनि गागि खौरांगिरि अभिजित दासखौ थांनाय शनिबारनि हराव बाइहाता सारिआलिआव दुथांफोरा गाग्लोबनाय जाथायखौ तामुलपुर प्रेस क्लबआ गोखों रावजों सौंखारिनांनै बे जाथायजों लोब्बा थानाय दायनिगिरिफोरा थाबैनो हमनानै गोखों साजा होनो थाखाय पुलिस (□ 5 बिलाइआव)

### सालबारि फरायसालिमा-खोला खारिजा बिजनी गोजौ फरायसालियाव फरायसा सान फालिदों

सालबारि, 31 मार्च: राइज्योनि दाब-दाब जायगाफोरजों लोगोसे बाक्स जिल्लानि सालबारि फरायसालिमायावबो दिने रंजा-बाजायै फरायसा सान फालिनाय जायो। बड'फा उपेन्द्र नाथ ब्रह्मनि जोनोम साननि लोब्बायै दिने गिबि खेबनि (□ 5 बिलाइआव)



सालबारि, 31 मार्च: बिटिआरनि दाब-दाब जायगाफोरजों लोगोसे दिने बारहुंखा, अखा, सार-अन्थाइआ सालबारि, सुमुवागाति, गाति, आनन्द बाजार, काहिबारि, (□ 5 बिलाइआव)

### भक्तपाराआवबो बड'फा उपेन्द्र नाथ ब्रह्मनि 68 थि जोनोम सान फालिदों



कलाइगाव, 31 मार्च: आसामजों लोगोसे उदालगुरि जिल्लायानि भक्तपाराआव दिने उदालगुरि जिल्ला एबसुनि बान्जयानायव भक्तपारा गुदि फरायसालिनि सावराय न'ब्लाडव बड'फा उपेन्द्र नाथ ब्रह्मनि 68 थि जोनोम सान (□ 5 बिलाइआव)

### समाज सिबियारि सुमित कुमार बर'आ राइजो-राजाफोरनि थाखाय बाख्नायथाव खामानि मावदों

बड'सा थान्दै/मुसलपुर, 31 मार्च: बाक्स जिल्लानि 25 नं बागानपारा बि टि सि बियाब आरो आगुनि 62 नं बरमा एम एल ए बियाब आथिखालि तामुलपुर बियाबनि बेन्डोडव थानाय पुब थानगुरि गामिनि समाज सिबियारि आरो जाखुंफुनाय लाइमोन फालांगियाय सुमित कुमार बर'आ पैलेलि (□ 5 बिलाइआव)



### बिटिआरनि दाब-दाब ओन्सोलफोराव अखा, बारहुंखा आरो सार-अन्थाइनि गोहोम

गोबां न'-बां, फरायसालि, बिफां-लाइफां, बारि-बागान ख'हा



कक्राझार, 31 मार्च: बैसाग दानआ खाथियाव सौफेनाय लोगो-लोगो बारदे सिखलानि महर लानानै सिमब्रेफेदों अखा-बारहुंखा आरो सार-अन्थाइ। दिने रबिबार बेलासि समनिफ्राय बिटिआरनि दाब-दाब ओन्सोलफोराव गोखों अखा आरो बारहुंखा फेनायजों गोबां गाजि गोहोम खोख्लैदों। बेलासि

समाव हरखाबै अखाजों लोगोसे गोखों बारहुंखानि सिमब्रे फे नायाव गोबां नख'रफोरनि न'नि तिंफोर बुखार जानायजों लोगोसे गोबां बिफां-लाइफांफोरा खहा जालांदों। बिफां-लाइफां बाइसिनायजों गामियारि ओन्सोलफोराव लामानि हान्था-मेला खालामनायव जेना नुजाथिजों। गोखों बारहुंखा बारनायजों मोब्लिबनि

खुथियारिफोरा बायग्रबनायव हरनि समाव सोरनि गोहोआ गैया जादों। जर'खायै दिने रबिबार बेलासि 4 रिंसागो समाव हरखाबै रोजा अखा हानायजों लोगोसे गोखों बारहुंखा बारनायजों कक्राझार जिल्लानि सिडव थानाय कचुगाव हालामाव गाजियै गोहोम खोख्लैलांदों। गसाइगाव महकुमानि सिडव (□ 5 बिलाइआव)

### हाग्रामाया एबसु, प्रमद बर'नि सायाव मुं सुनायखौ राइजो-राजाफोरा फोथाया: जयन्त बसुमतारि

भबानिपुर, 31 मार्च: कक्राझार लकसभा बियाबनि एनडि ए आरो इडपिपिएलनि बिजाथि, सिदली बिधान सभा बियाबनि एमएलए जयन्त बसुमतारिआ गोबां हेफाजाबगिरिफोरखौ लानानै दिने बियाबनि गुबुन गुबुन जायगायाव बिसायख'थिनि फोसावदिनाय हाबाफारि खुडे। मख'नो गोनांदि, एनडिएनि बिजाथि जयन्त बसुमतारिआ कक्राझार आरो बरपेता लकसभा बियाबनि सिमनानि सरुपेटाआव कलिता हारि सम्मिलनीनि मोनसे मेलाव बाहागो लानायनि उनाव खौरां बिजोंनि सिगाडव बिपिएफ दोलोनि (□ 5 बिलाइआव)



### कक्राझारआव बिहु मोसानाय आरो दामजु दामनायनि मावबादाया खुंफुजाबाय



कक्राझार, 31 मार्च: कक्राझार सहरनि राजमेला फोथाराव सान 5 नि हाबाफारिजों खुंनाय बिहु मोसानाय आरो दामजु दामनायनि मावबादाया दिने खुंफुजायो। बेनि लोब्बायै दिने मनिकान्वन आइजो आफादिनिफ्राय सान 5 नि मावबादायाव बाहागो लानाय सा 40 उन्दै-उन्दै गथ'सा आरो लाइमोन सोल्लोसाफोरनो गांफा-गांफा फोरमान बिलाइ गथायनानै होनाय जायो। सोल्लोसाफोरनो फोरमान बिलाइखौ रन्नाने होयो बडइगावनिफ्राय बाहागो लानाय गाहाइ फोरोंगिरि बिधान देउरिआ। फोरोंगिरि बिधान देउरिआ बे सान 5 नि मावबादायाव बाहागो लानाय सोल्लोसाफोरनि बिहु मोसानानै दिन्थिफुनाया मोजं जादों आरो बिरोरनि गोसो दुंखानायखौ नुनानै गोजोनाय मोन्दों होनानै फोरमायो। मख'नो गोनांदि, रासमेला फोथाराव थांनाय 27 मार्चनिफ्राय (□ 5 बिलाइआव)

## सुजुगिरिनि खोलोम



## श्रगायनानै मिनिनाय-रंजानाय सान

मुलुगनि गुबुन गुबुन हादतफोरजों लोगोसे जॉनि हादत आरो ओन्सोलोमबो बोसोरफ्रोमबो १ एप्रिल अक्टयवा एप्रिल फुल फालिनाय जायो । एबा गावजों गाव श्गायलायनानै-एदावलायनानै मिनियो आरो रंजायो । बे बोसोरगवबो गुबुन बोसोरफोरनि बादिनो सुबुंफोर फालिगोन । नाथाय माबाब्लाफोर सानफेरदों ना, मानि थाखाय जों बोसोरफ्रोमबो एप्रिल फुलखों फालियो ? बेयो माबोरें जागयजेनामोन आरो बे साननि गोर्नाथिया जॉनि गेजेरग माबोरें फैंखो बेखों जॉनि गोबाङनो मिबर्थियाबो जानो हागौ ।

एप्रिल फुल सान जागयजेन्नाय एबा बेनि जारिमिनखों लानानै गोर्बांथार गुमुर हाबसनानै थानाय जॉं मिबर्थि मोन्नाय जायो । मुलुगनि गुबुन गुबुन ओन्सोलनि सुबुंफोर बे सानखों लानानै बाइदिसिना रोखोंमनि सल” बेसेबांभा गोलाव जौथायनि सिगां फोसावनायखों नुनो मोन्नाय जायोमोन । एप्रिल फुलनि जागयजेन्नायनि सोमोन्दै बयजोंबो आजाव जानाय फोथायथियानो जादों बै समाव जेब्ला ग्रेगरियान केलेन्डारआ बाहाय जायो । ग्रेगरियान केलेन्डार बाहाय जायोब्ला इउर’पनि गोर्बां हादतफोरगव गोदान बोसोरखों १ एप्रिलनि सोलाथै १ जानुवारीआव सोलायनानै फालिनाय जायो । अक्ट आरो दानखों सोलायनायाव इउर ’पियान हादतफोरनि सुबुंफोरनि गेजेरग गुलु-गुजु सान्नाय सौफैंयो । माखासे सुबुंफोर बावगाराननै गोलाव समसिम गिबि एप्रिलखौनो गोदान बोसोर फालियो आरो बिब्दिनो एप्रिल फुल डे जाफैंयो । जायफोर सुबुंफोर बावगाराननै १ एप्रिलखों गोदान बोसोर महरैं फालिदोंमोन बिसोरो मानसिफोरजों मिनिजानो आरो जंखायजानो गोनां जादोंमोन, मानोना बिसोरो केलेन्डारनि आउटलेटखोंसो उनसंलांगसिनो दङमोन, बेखायनो सुबुंफोर बिसोरखों जाम्बा होनानै एदावदोंमोन । समजों लोगोसे गोरोब होनानै बै मिनिनाय, एदावनायफोरा उन समाव श्रगायलायनानै जंखायनायसिम सोलायफैंयो आरो १ एप्रिलआ मोनसे फालिथायनि महर मोनफैंयो, जायखौ एप्रिल फुल डे नि गावजों-गाव श्रगायलायनानै मिनिनाय आरो रंजानाय गोसोआव लायो ।

बेराफासैं बै सान जागयजेन्नायनि सायाव आद्रा थालांनाय फोस्मानयनै जारिमिनगिरिफोरा बुंनाय बादिब्ला एप्रिल फुल साननि गुदिया उदां बोथोरनि आगान होफैंजेन्नाय एबा बोथोर गुस्लायनायनि फोर्बोंजों सोमोन्दो थानो हागौ । थि रोखा हाबाफारिजों एप्रिल फुल सानखों मुलुगनाइँ बावगार होलायनानै श्रगायलायनाय आरो मोजां गोसोजों मिनिहोलायनायनि थाखाय मोनसे अस्नाय जानाय सान महरैं फालिजायो, जाय गोसो गोर्बां आरो मेलेमनि गोजोन्नाय लाबोयो ।

बावगोमा होनाय एबा मिनिनाय-रंजानाय साननि अनगायैबो एप्रिल फुल सानआ सुबुं हायिनि थाखाय मोनसे गोथौ गोर्नाथि हाबसन्नानै दङ होनानै फोथायदों । बोथोरा सोलायस्तुं आरो बेनि गेजेरजों सुबुंनि सोमोन्दोखौबो समजों गोरोब होनांगौ जायो । एप्रिल फुल सानआव मिनिनाय आरो रंजानायजों जिउआव गोजोन्नाय मोनफुंनो हायो । जंखायनाय, फेस्ता खालामनानै मिनिनायफोरा एरेंनो मिनिगारनायल्’ जाया, मिनिनाया सुबुं देहानो गोहो जगायो आरो सुबुंफोरजों आरो नख’रनि सोद्रोमाफोरजों लोगोयारि आरो अनरुत्लायनायनि दौलेंखौं खाथियाव लाबोनायजों लोगोसे गोर्खोंबो खालामो होनानै बुंनाय जायो । बेखायनो एप्रिल फुलखौं जंखायनानै-श्रगायनानै मिनिनाय-रंजानायजोंसो फालिनांगौ । मिनिनायखौ मोनसे रोखोंमनि मुलि होनानै गनायनाय जायो । मिनिनायनि हेफाजाबै सुबुंनि देहा सिङव थाखुमानाय आजारफोरखौ एसैंयेब्लाबो होबथानायनि रहा मोनो होनानै देहा रेंग’सादफोरखौ बुंनाय नुनो मोन्नाय जायो । मिनिनाय आरो रंजानायखौ गोर्नाथि होनानैनो मुलुगनि गोर्बां हादतफोरगव मिनिनायनि क्लाब गायसन्नाय नुनो मोन्नाय जायो । जेराव ज’ ज’यै मिनिनानै देहा सिंनि आजारखौं दिहुन्नो नाजायो ।□

# दिनैनि फान्जामुथि

### राशि बाइदियै मुंनि गिबि हांखो

**मेष :** अ ल **वृष :** ऊ ब (उ ए इ) **मिथुन :** क छ (ङ ङ) **कर्कट :** ड ह **सिंह :** म ट **कन्या :** प ट (ण ष) **तुला :** त र **बृश्चिक :** ब न **धनु :** ध ङ (ढ फ) **मकर :** ख ज **कुम्भ :** ग श (स) **मीन :** द च (ख ज झ)

**मेष:** मानिबा जाहोननि थाखाय जिंगा सिनानो हागौ । गोजोन्नाय गैंयेजों सम बारहोनांगोन ।

**वृष:** सान्नाय-हनाय गोहोआ गोमालानो हागौ । गोसोखौ सांग्राडै लाखि ।

**मिथुन:** सोरजोंबाफोर हिंसा साजानो हागौ । जैरैबो सांग्रां जानानै थानांगोन ।

**कर्कट:** गोसोखौ शान्ति गैंये मोन्नो हागौ । नख’रआव शान्तिआ गोमालानो हागौ ।

**सिंह:** सोरजोंबा अनजानाय मोन्नो हागोन । गोसोखौ गोजोन मोनगोन ।

**कन्या:** मोजां मोनलायनायाव अनलायनाय फैंगोन । दौलेंआ गोर जागोन ।

**तुला:** जैरैबो गोजोन्नायखौ मोन्नो हागोन । नख’र संसारआ गोजोन जागोन ।

**बृश्चिक:** गुबुनफोरजों बायदिसिना होन्नानै असन्मान होजाबायनो हागौ । गोसोखौ हमथा ।

**धनु:** गोसोआव माखौबा लानानै गिखानाय मोन्नो हागौ । गोसोखौ लोरबां खालामनो नाङ ।

**मकर:** गिथान मोन्नाया बांलांगोन । जेखि मावा जाफुंनो हागौ । जैरैबो गोजोन मोनगोन ।

**कुम्भ:** माबाफोर मुवा-बेसाद मोन्नायनि आसा दङ’ । गोजोन मोनगोन ।

**मीन:** जेखि बादाया जेन्नो हागौ । सांग्रां जानानै बादायनांगोन ।

## दावबाइयारि सल’ रेबसुं

हादोदसा गयारि सनितपुर

जानबुं: 87539 34513

ईंराजि फेब्रुवारि दाननि जोबनाय सबथा,बर’ लाइमोन लिरगिरि गौथुमा 6थि बर’ लाइमोन लिरगिरि गौथुमनि सावराइ जथुमजों लोगोसे गिबि हादोर गेजेरारि थुनलाइ जथुमखौ नेपाल हादोरनि आइनाबारि,हालदैबारि/झापायाव मेचे युव क्लबजों लोगोसे लागोननि खौरां आरो प्रग्राम बिलाइ आरो फोसावथाइखौ फोसावनाय दोहैं । गोर्बां लाइमोन लिरगिरिफ्राबो अवात्सव युपनि गेजेरजों थानो बाहागो लानो गोसो जानायखौ फोरमायसोदों । आंहाबो मानोबा हरखाब लिरगिरि बिथांमोननि गोसोजों बिरफा लांदों नेपाल हादोरनि बै सिमां फुरियाव । मानोना गोर्बांथार खाबु मोन्दोंब्लाबो सिगाङव गोसो आरो खाबुआ बेंगुरामोन । गोसोआ एरथुसिन्दों बर’ लाइमोन लिरगिरि गौथुमनि गाहाइ नेहाथारि आदा लोखिरामनि मबाइलजों मेवथुहरनायाव । आरोबाव नोंखौ खन्थाइ फराइथिनायाव लिस होनाय जाबाय बुंनायाव । आंहाबो सिगांनिफ्रायनो गोर्बां खाबुआ गेवैनि सानसेबाबो थांगोन गोसोयै हांखुर जाना दंखायोमोन ।बे खाबुआवनो नेपाल हादोरनि आबहाव आरो नेपालनि बर’फोरखौ नायनो जोर्बांर गोसो जामारबाय ।

खालारा इंराजि 03-03-2024 । माब्लाबानो सौफैमारबाय सिर्मानि बै थावनिसिम थानायनि खाबुआ । अब्ला समा बेलासि ३:१0 सो रिंगा “‘बर’ लाइमोन लिरगिरिमोननि उदां सावराइथिलि’’ आरो “‘बर’ लाइमोन लिरगिरि गौथुम’’ अवात्सप ग्फाव गोर्बां लाइमो लिरगिरिफोरनि थानो ओंखारनाया दोहौसिन जागायबाय । बे समावनो लखिराम आदाया गाव गहफुरनि लाइमोन लिरगिरिफोरखौ लानानै ट्रैइनजों फैनायनि खोथा लोगोसे देकियाजुलि स्टेसनाव मिस रंजालि ब्रम्स लोगोसे पर्टलनि मावर्थि आदा सनिखौ लोगो हमना ज’यै गाखोनो खावलायनायखौ मोनो जानबुं नम्बार गैंयिलाय हरखाबै रूपनि गेजेरजों आं कालेक्ट खालामना जगाजग खालामना लायो । बे समावनो पेदेरखां बिथांजों रेल धाबा बेसे आरो जायगा मोननाय मोनिनि खोथाखौ रोखा खालामना लायो ।

समा बेलासि ३:45 एबा 4 सो बाजिहां जाबाय । ट्रेनआ देकियाजुलि स्टेसन मोनबाय । जोंबो गाखोनो लाबाय । ट्रेनआ माब्लाबानो नेपाल हादोरनि खोथा सावराइ होना रडिया स्टेसनखौ मिथिस्लाबै मोनहोना एंग्लाइ फैंयो । मानोना जॉनि गोसोआ कक्राझारनि गैइस हावुसाव हरनि खावसे हगारनांवावगोन । समा एसे लेद जागोनखाय आरो कक्राझाराव १२ नि बारासो जाहेंगोन बायदिखाय हरनि जामुंखौ गावबागाव खरसाजों जानानै लायो । हान्जायारि रेकर्टनि थाखाय जों ज’यै रडिया रेल स्टेस्वनाव हरनि ८:१३ रिंगायव बिस्वनात, सनितफुर, अदालगुरि जिलानि ज’यै हान्जायारि पट’ लानाय जायो । बायदि बायदि सानबोलावरि आरो गावबा सोलिनाय राहानि बागै सावराइ होनलाइ नेपालाव खावसे गोसोखौ दोनहरना मिनि खुसि जों माब्लाबानो कक्राझार स्टेस्वनखौ मोनफैंयो । लोगो लोगो जों आरोबाव थाबै मोनहैनाय बायदियै कक्राझारनि ट्रैइन स्टेस्वनिक्राय अट’ आरो टम टम लानानै कक्राझारनि बड’लेण्ड गैस हावस होनना दान्नाय होयो । बे समाव आरो सोरानो थाम घन्टासोल’सै । बा बाजियाव जॉनि रिजार्भ बासा नेपाल जाना खरानो गोनां ।

04-03-2024 फुंनि ६:१5 सो बाजि । जॉनि रिजार्भ हिसाबै बास गंनै, बाइक राइडर हिसाबै गंनै बाइक,कार गंनै बड’लेण्ड गैस हावस लांगोनायाव दोम दोमै गसंना जोंखौनो जिरायनो लेंबाय दं । जोंबो गावबा गावनि जगारखौ लाना खाबजानाय बायदि गाखोना जिरायना लाबाय । दसे उनावनो नेपाल फारसे जोंखौ बोलांबाय ।

बायदि बायदि लामानि नुथाइ । स्रो-स्रो फुंनि बारा गोर्बानि गोसोआव गोर्बां सानबोलावनि । जानांगौ लोगो लिरगिरिफोरनि गोसोआव नेपालजों खाबजा होनो माखासे गोसोखारिथि खन्थाइ जगायदों । खायफाया हराव उन्दुनाय थिग गैंयिजों थेन्थावदों बरि जादों । नाथाय रेबगन राजा बिथांआ माबा गावखौ आरो माखासे मेदाम लोगोसे जोंखौ माबा खहाबनां बिदैजों मुजिहोना बराइना गावनि फारसे गोसो बोना लांनायाव जोंहा निना सोरजोंबा साबर्थि जायो । बेदिनो माब्लाबानो सोनाब बेंगल मोनो । आरो सा बेंगल मोनहैयो ।

बे समाव जोंहा जॉनि गारिया टल गेटाव बान्द्राय गोबाव गोबाव लाखि जानाय आरो कमन प्लेसआव नङलासे गारि लाखिलाबानया पेसाब खालामहोनाय मानायनि दुखु । गोसोआव जोंहा साननाय फेदों-बे डिजेटेल मुगायावबो दासिम खाबजानो रोडि; खाबजाहोनो रोडि गुबुन हादोराव थांगोन होननाबो सांग्रां नङै ड्वाइभार थायोना ! खाबजानाय जायि जायगा जेराव हिन्जावसाफोर हौवासाफोरनि कमन जायगाबो मिथिलाइयि थायोना ! मानोना जॉना द्राइभार पासटेक गैया, दक’मेन्ट जिरक्स गैया फारसेटिं खाबजायि जायगायावसो जों ओंखारना फेसाप खालामनाडे ।

सोनाब बेंगल आरो सा बेंगलनि गामिनि हा । जोबोरैनो बेसेन गोनां । जेराव खालि हाखौनो मोननो थाङ । गासैबो आबादजों साजायनाय । जुखाम,आलु,कबि,जोगोनारनि थिलि । न’ गुदिनिफ्रायनो आबादनि रां थ’प्ला । ओजों जॉना आसामाव बर’नि दुब्लियाव माइनि उनाव मानैसो मोसौ,बोरमानिल’ फिहाइ थाइना थायो । आंहा गोसोआव खें मोनखांदों । बर’आ आबाद गाहाइ होननायाव बेसे सांग्रां बेनि जुकिं आं नागिर खुमाबायदों । नाथाय नुमारा, बेखायसो खायफा एमबु गाबजेनबानो मालाइनि आर्थि हमनांमारोदां होनना आं सानफ्लाडे ।

जेखि जाया जों सा बेंगलनि हाग्रा गुदु रिजार्भ बारना 04-03-2024 खालि बेलासि २:२0 बाजि जाब्ला मेचि दैमानि रगुं मोनहैयो । अब्ला बे समाव खायफाया जारिमिनखौ गोसोखंना बुंदों-गोदो बे दैमानि सेरावनो बर’फोरा गोर्बां राइजो जादोंमोन । उनाव भारत आरो नेपालनि सिमाया बे दैयानो जानायाव कछारिनि जोलैं मेचफोरा गोर्बां बोसोर राइजो जानायलाइ जायगा नागारनो गोसो गैंयियाव हरै दैमानि फारसे ओरै दैमानि फारसे थानो लायो । बेनिफ्रायनो बे दैमानि मुंखौ मेचि दैमा बुंनाय जादों होन्दों । मानोना नेपालनि बर’फोरखौ मेचे होनना गाबज्रिनायनि फोरमानाबो बेनो होनना फोरमायदों । जिखि जाया जों गुबै जारिमिनखौ उनाव संनो नाजागोन लोगोफोर । फे जां दा मिथिना लाबावनि- बेयावनो दं गोमथायै गंनैबो हादर, भारत आरो नेपालनि सेकिं गेद । जेराव आइडि,पासपर्ट फोरमान गैयालासे फैनो आरो हाबनो मोना । बे समाव खोनानो मोन्दों मेचे युवा क्लबनि बोसोनगिरि लोगोसे

# नेपालनि मेचेफोरजों थौ दान्दिसे

मिरु लाइमोन बाथौ गौथुमनि सासे बिबानगिरि सन्तष मेचे लोगोसे माखासे इयुट मेचे बिथांमोनहा बे गेटसिम हाबलानो थाखाय जॉनि लाइमोन बिबानगिरिफोरखौ लाफाना सावराइदों । लिस्त होदों आइडि रेडि लानो खावलायदों । अब्ला समा खमैबो सिमा गेट आरो नेपाल हाबनाय आलादा गेटसिम सेकिंआवनो से गन्टानि बांसिन सम नांदोंमोन ।

मोनानि ६:५4सो बाजियाव जों जॉनि जानोगोनां नेपाल राइजोनि जॉनि जोलि थानाय मेचे गामि माने आइनाबारि,हालदैबारि/जापा/नेपाल मोनहैयो ।सौफैजासिम जेब्ला जों नेपालनि गामि गामि हाबबोनो मोना आंहा हरखाबनो आसामनि आबाद हा आरो नेपालनि आबाद हाखौ गोसोआव गोलैयो । मानोना नेपालावबो आसामनि बायदिनो गय,खान्थाल,थाइजौ,माइ,जुखाम,बेसर,जोगोनार आरो बायदि आबादफोरा ग्री ग्री जासोयो । जानांगौ मौचुमि बारनि गोहोमा दंमारो । आबहावानि थासारि बान्द्राय फारागथि नङ । खोनानाय मथै सान हाबनाय ओंखारनायनि नि बेलायाव आसामनिक्राय नेपालाव १५,२0 खायफाया ३०मिनिटनि फारगथि जायो होनना फोरमायो । माइहुंनि बेलायाव हुंनाया रोखोमसेखौनो नुनो मोनो । न’ लुनायनि बेलायाव गामि ओनसोलाव खायफा बैसां बायदि खायफाया फिसायैब्लाबो आरसि म’डेलयै बानायना लुना लानाय नुनो मोनो ।

गिबि सानखालि थान्दै सावरायनाइ दंमोनब्लाबो बयबो मँग्लनाय देहा,उन्दुनो मोनै मेपन मोदैखौ मिथिना गाहाइ नेहाथारि आदा लखिराम बसुमतारिया बयनोबो जाथ’नाय नंला अखनान्यै जिरायफिनगोननि खोथा होयो । लोगोसेनो जायगानि संबिजिर,नेम खान्थि आरिखौ मान होना जेबो जाथाइ जायिबादि आरो जाजयिबादि बयखौबो सिरिबांडेहाबाफारिखौ मावफुंलानांगोननि खोथा लिरगिरि जों बयनोबो बुंथियो । बेनि उनाव जों दान्दिसे जायगानि गाहेला बोराइ मेचे आदैमोनजों मोजां गाज्रि सोलिनाय,नेपाल सरकारनि सुबिदा होनाय । सिगां आरो दासिम माबायदियै सोलायबोखौ फारियै सोंना लानो खाबु मोनो । नेपाल सरकारनि गुबुन अनसुंथाइनि मादाव साबसिन बाश्ना मोननैसो खोनाना जोबोर गोजोननाय मोन्दों जाय मोन्थाइखौ मेचे बिथांमोनहाबो मोननो हादों । बेफार जादों फारियै-

क. जोनोम जानायनि उनाव सासेयाव दानसेयाव ४००० आरो मास मोन्थाम नि गेजेराव १२००० रोजा गासै बोसोरसेयाव सासे मानसिनो ४८००० रोजा नेपाल सरकारा होयो ।

ख. हानि मोन्थाइखौ बायनाय फाननाया पाटागोनां बायदियैनो हायो ।

ग. गाव पन्चायटनि राहा एबा राजखान्थिनि मोन्थाइखौ मेचे मेज’रिटि थानायाव मोननो हायोसै ।

घ. सोलोंथाइनि बेलायाव गुदि फराइसालियाव थाखो सेयाव बिमा राव एबा बर’ रावखौ जायगा होदों जेराव मेचे फराइसाफोरा दं । खोनानाय बायदिब्ला बर’ राव सोलौनो लुबेनाय फराइसाखौ नेपाल सरकारा बराइयो आरो रांआरि मदद होंगोननि खोथा होदों ।

ङ. फालिनाय सिबिनायनि बेलायाव नेपाल सरकारा गावनि राव,हारिमु, दोहोरोम समान मोन्थाइखौ होदों ।आरो मेचे बिथांमोनहा फ्रायनो बर’नि गोजाम आरो गुदि दोहोरोम बाथौखोनो फुजिबोदों । बाथौनि दुमनाय खान्थियाल’ जुदा । आसार खान्थिया बान्द्राय आलादा नङ । खोनानाय बादिब्ला गोरोबसे खालामनो बेसोरबो नाजादों । खायफाया जारिमिनि नेरसोन महरै मेचेनि नेरसोना नेपालाव बेदियैनो थानायाबो गारजिद्राय नङबो बुंसोलायदों । मानोना मेचेनि सोलिनाया दिवैनि आथालाव बेजोंनो गाहाइ हिसाबै बेफोर मोन्थाइखौनो मिथिनो हायो । जायनि थाखाय बर’ लाइमोन लिरगिरि गौथुमाबो बे खाबुआव खाबु लाफैनो सुजुा सुबिदा मोननो हादों । आरो बर’ राव जौगा होनो रोंहोनो थाखाय मेचे युवा क्लबनि गेजेरजों बर’ रावखौ थाखो सेनिक्राय थाखो बासिम सोलौनो मोननायनि राहा होनो थाखाय नेपाल सरकारनिसिम मेम’रेण्डम बिलाइ लिरनानै गथाइबोयो । बेयो बर’ लाइमोन लिरगिरि गौथुमनि जोबोर बाखोनायथाव हाबा होनना आं सानो ।

05-03-2024 समा फुंनि ९:१० सो बाजिनिक्राय नैथि सनाव बर’ लाइमोन लिरगिरि गौथुमनि फिरफिला, मेचे यवा क्लाब आरो नेपालनि हादरारि फिरफिला बिरहोनाय हाबाफारिखौ जगायो । फिरफिला बिरनाय लोगो लोगो जों नेपालनि हादोरारि सं’मेथाइ उखानो मोनो । थारैनो देखोआ गोदै टाल गोनां, ओंथि गोनां आरो सुंथाब । गोर्बां लाइमोन लिरगिरिफ्रा मोजां मोननायनि बाश्ना फोरमायदों, बेनि उनाव फारियै रूंसारिफोरनि गोसोखांथि महरै बाउनाय हाबाफारिखौबो लानाय जायो ।

साननि १०-२० सो बाजिनिक्राइ खन्थाइ रायथाइ आरो सुंद’ सल’फोरनि सायाव सावराइयो थारैनो गोर्बां स्क’लार आरो बान्था आजावगिरि गेदेमा बिथांमोन,बिबानगिरि बिथांमोननि सुंद’ सल’,खन्थाइ,रायथाइया मा ? बेफोरहा मोनबोसे रोखोमै लिरजो ? मा मानिक्राय जागायजेनो ? खन्थाइनि रहिस्स, सुंद’ सल’नि आयसुस आरिनि सायाव गुवारै जोंनो मिथिसारा होदोंमो । लोगोआव बे सानखालिनो नेपालनि मेचे आरो आसामनि बर’ लायराइनायनि सुर,सोदोब आरो ओंथिनि सायाव बिज्रिना सावरायनाइ बेबो जोबोर मोजाइनो जाना थाडे । थारैनो गोर्बान्द्राय फाराग गैया थारैनो सान्थामावनो जोंबो गोर्बांथार बाश्नाखौ बुजिनो रोंबायमोन । द’सो दान थायोब्लानो नेपालनि मेचे मुंखौ जोंबो मोनगोन । नाथाय आंहा सोनाब बेंगलनि लायराइनायजों गोरोबसे मोन्दों । बै खालि सोनाब बेंगलनि दु:बा:गौ: मावर्थि सुरेष इसोरारि सारा गारि खालिजरायामोनब्ला थारैनो बे सावराइ आयदाया खहाबसिन जागौमोन होनना आं सानो । मानोना बेंगलनि बर’फोरनि लायराइनायनि सुर,ओंथिया आसामनि बर’, बेंगलनि बर’ आरो नेपालनि मेचे (बर’)फोरजों बेसे गोरोबनाय दं बेखौबो लाफानाय जाखादोंमोन ।

सावरायनाइ आयदाया जोबनाय लोगो लोगो गोर्बां खन्थाइगिरिनि खन्थाइ आवराइनाया हालदैबारि,आइनाबारि गामियाव बायदि बायदि दं’खोजों बायदि बायदि सुरजों गोसारलादोंमोन ।खायफाया फागुनजों गाब गाहोदों,खायफाया खौओंनि देखोजों बैसागुनि रादाब होनो नाजादों,खायफाया खन्थाइखौ बेखन्थाइयैनो फेलेंनि रादाइयाव आवबा दोन्दों,खायफाया बावलि गोसोजों सोरनिबा गोसो खावदों,खायफाया मान्दरनि बिबारजों खाफालाव साजायनो नाजादों, खायफाया मोगथां जारिमिनाव जेननांनायनि दाहा रिजायदों । आरोबाव आं बुंजोबथ’नो

सानला बे समा थारैनो खन्थाइ खन्थाइ मोदोमनायानोमोन ।

खालार ०६-०४-२०२४ समा अब्ला फुंनि ६:१०सो बाजि,सन्तष कुमार मेचेनि नख’र । हरखाबै जॉनि गोसोआव गामि नायनायनि गोसो जाखानायसै । गोसोआ नङब्ला आद्रा मोन्थारगोन । मेचे गामिखौ थारैनो नायमारनो गोसोजों शन्तष मेचेनि न’ होनना जों रेबगन राजा, हांगामा बिथांमोनजों जयैनो जों आगान सुरो । गामि गेजेर-गेजेर जों नोजोर होदों-बारिफोरा बान्द्राय मैगंजों नङ,गय जायोब्लाबो बागाना खोब खम,न’नि खाथिफोराव हावासि लाखिया, न’फोरा खायफाया बैसांवादि, बांसिनाना फिसायैब्लाबो आरसि मडेल । अमा फिनाइया आसामजों गोरोबसे । नाथाय थेखोना थेखोनि अमा खम । सावरायनाइयावनो माब्लाबानो शन्तष आदानि न’ मोनो । फुंनि गोजोननायखौ खुलुमलायनाइजों गंग्लाइथि बावो । जोंबो मासियाव जिराइयो । बै खाथिनि न’आवनो उन्दुना थानाय बर’ लाइमोन लिरगिरि गौथुमनि बोसोनगिरि आदा अफ्रितखौबो लोगो मोनना सावराइनाया आरो साबसिन जाबावनाय मोनो ।

जि मिनिटसोनि उनाव आदा शन्तषनि बिब’ माने आब’आ जोंनो माबा उवाल फिसा फिसा बायदि फिथा लोगोआव साहा होफैंयो । मानसिया बांनायलाय जों अनलाइनाया बांनायनि गोसोजों बोखावना रानलाइना जायो बेनि उनाव बर’ लाइमोन लिरगिरि गौथुमनि गाहाइ नेहाथारि लखिराम आदा आफादगिरि उखोंगोरानाव पारिंस्वन लाखानाय बायदियै हारिमु हान्जाखौ धनुलाल मेचे आदाया गावनि न’आव बराइनायजों लोगोसे आलासि सिबिगोननि थाखाय गारि लाना लांनो फैंयो । लोगो लोगो जोंबो गाखोफायो । न’ मोनहैमारैनो बायदि देखोजों,सिफुं आरो खामखौ रिसार होयो । ख्रिस्थि मोनसे मोसायो । बेनि उनाव आदा धनुआ जोंनो थान्दा लौनो होयो,ब्रयलार रद’ रद’ एवनायजों मोजाफेरि खायद’ मुरि, सिरा,बुनजिया,सानाजों जाहोयो । जाखां लोंखां हान्जायै सावगारि लायो आरो आदा हांगामानि खुगानि गारांजों बैसागु मेथाइ रोजाबनायाव जों बयबो बैसागु मोसाना धनुलाल आदा आरो बाजै जयै नख’रखौ बिदाय लाना हाबाफारिनि जायगासिम सौफैफिनो । अब्ला मेचे गामियाव गोर्बां खन्थाइगिरिनि खन्थाइनि देखोआ रिंखांबाय दंमोन ।सानजौफु जानाय लोगो लोगो जॉनि खन्थाइनि मोदोमनायखौ लासै लासै जानगारहोना मेचेफोरनि बाश्ना आसाम आरो भारताव थानाय बर’फोरजों सोमोन्दोनि गोरार्थि आरो गावसोरनो गावसोरनि गोर्खोंथिखौ लाखिनायजों लोगोसे मोन्थाइनि थाखाय सांग्रां जाना हाबा मावनांगौखौबो जॉनि सिगांआव बुंथियो । आरोबाव जाहाथे आसाम आरो भारतनि बर’फोरा जॉनि थाखाय बान्द्राय खरस्थ’ मोननांआ बेनिबो सांग्रांथि ज’गायो बिबायदिनो नेपाल मिउनिंसिपालनि बिबानगिरि,नेपालि सानैसो गोरा गाहाइनि खोथा बुंथिनायजों गेवलां मेलखौ मेहेरनां खालामदोंमोन । आरोबाव गेजेर गेजेर जथाइ मोसानाया जायगाखौ रंजाथाइनि फोर्बों खालामसिन्दोंमोन । आसामनि जाना साननैनि गेजेराव पेदेरखां बिथानि सिखारि एबा म्हेरु माने पलाननि रल लाना मोसानाय आरो बैसागु जावजा मोसानाया बावनो हायि रेगा जाना थाहोनो हादों होनना आं सानो । जोबनायाव मेमनटाम आरो नेपालि फालिजों जों बयखौबो बराइनो लायो ।

बिदायनि सम बुब्लि,गोसोफोरा दरसि दरसि,सोरबाया माखौबा खोमा नॉसिगोन,सोरबाया न’थि पन गैया नेट नाङ माब्ला नख’र आरो लोगोजों मोर्खां नुलायगोन असु खुथु बिदायनि बै बुब्लियाव खहाबथाव नाथाय दुखुनांथाव मानोना जों मेजेरनायखौ नागारनांसिगोन अन्थाव-बाथाव,बयनिबो गोसोआव माबा खोमानॉसिगोन गोमाहोनांसिगोन जोदि मेगननि नोजोरनिफ्राय आन्दायनांसिगोन,आय ! बयबो निजोम बिदायनि थाखाय गोबालायनो जोम-जोम,मेगननि नोजोरनिक्राय साफायै साफा गोमोरलायदों माबा लांदां लांदां मोनसोदों,हरखाबै लामायाव मेचे नानिमोननि रुखु-रुखुये गावनाय देखो सोनाबर्थिनिक्राय साग्लोबसारबाय खोमसि फेसालियाबो,एंगाररॉजानो बादोंमोन सिबायफोर आंगोसे जाबायमोन सिबायफोर,थेवब्लाबोदि थासारिया थिनबाय जोंबो न’बर्थि होनना बासफारसे आगान होबाय ।

मोननैसो खोथाया आंखौ जानगार बोदोंब्लाबो मिनि होबाय थादों रंजा होबाय थादों आरो बाखोनायबाय थादों । बाश्नाया बेनो-मेचेफोरनि मेटिंआव जाहोनाय लोंहोनाय बादायाव गुबुन गामियारि गथ’ गथाइ,सोरबा मानसि हाबला हाबलिजों आलासिफोरखौ सिर्थि सिथा खालामलायना । ओंखाम ओंखि आद्रा खिद्रा जाहोआ,बेदै’राथ’ गार्वनि हानायबादि होननायसो मोन्दों आंहा गुबुना माबायदि मोनखो मिथिथ’ला । माबा खोथानो हायि बेदरबो मोनजालायलांदों । जानांगौ बेफोर मेचे बिथांमोननि जोंखौ अननाय । जोंखौ बराइनो गोसोखौ गोजोननायजों बिदाय होनो नाजानाय । साबायख’र मेचे नोंथांमोन । जों अराइ नोंसोरजोंनो दं ।

दानिया मिनिथाव बाश्नाया बेसे जाहैबाय । जोंहा आसके (SK)फं'बाइया नेफालनि माजोंबा गोसो बोब्रेजाबाय । ना फागुनासो ना बैसागुआसो बराइब्रेखो मोसा मोसा सिबाइ गामसायानो गुगुलाइबाबो थर मोनलाइयासै जाहैबाय । हा हा हा दासिम मिनिफ्लाडे बै बाश्नाखौ गोसोखांबा । नाथाइ आंहले खोनादोंसो दै फराइगिरि नोंथांमोन बिेथि जेंखिरि मिसनि पर्टलनि केमेरायावसो सौंग्राव हैबायनो जाहैबाय ।बेबो खोनादोंसो दै । आसके फं'बाइ फराइदोंबा निमाहा । बेयो जाप्लानायसो । नर्मेल बाश्ना ।आरोबावसो बिदायनि समाव गोबा लायना बिदाय

## इउडिएफ-एलडिएफआ मोनसे रां सिक्कानि फारनै बिखुं: नरेन्द्र मदि

गोदान दिल्ली, 31 मार्च: गाहाइ मन्थि नरेन्द्र मदिआ शनिबारआव नम' एपनि गेजेरजों केरेलायाव बिजेपिनि बुथ मावफारियाफोरजों जथुम खुंदों। आइएनडिआइएफनि हेँ थारै गेनाखान्थिनि दाय जाबसिन्नायफोरनि बागै नोगोरिफोर मा सानो बेखौ बुथ आफादगिरिफोरनिफ्राय मदिआ फीडबेक लादों। गाहाइ मन्थिआ मावफारियाफोरनो भटारफोरनि गोसोखौ देरहासादनो थाखाय रहा लामाबो फोसमायथिदों। बिथाडा बिजेपि मावफारियाफोरखौ भटारफोरनो राइज्यो खुंथायाव थानाय एलडिएफ आरो इउडिएफ जुथाय हाजाखौ मोनसे सिक्कानि फारनै बिखुं होनानै मिथिहोनेबो बुंदों। बे मोननैबो जुथाय हाजाया आइएनडिआइएफि बाहागो, बिसोरो केरेलायाव बेरेखा होनानै दिन्थिफलादों। बेराफारसँ केरेलानि बाइजोआव बिजेपिनि बेरेखायै जयै खामानि मावदों। बिसोरो गावजों गावनि गात्रि खामानिफोरखौ दोनखोमालायो। बे फोरबादि



खेलाखौ बिसोरो केरेलायाव गेलेदों। केरेलानि सुबुंफोरा लेखा गोरों, बिसोरनो बेनि बागै मिथिहोनां गौ। पलक्कड बिबाबनि बुथ आफादगिरिआ गाहाइ मन्थिनो फोरमायदोंदि, माखासे कंग्रेस मावफारियाफोरा बायनाड बिसायख 'थि बिबाबनिफ्राय एलडिएफ बिजाथि एनि राजाया रहलु गान्धीनि बेरेखायै बिसायख 'थि बादायनायखौ गोजोन्नाय मोनाखै। बेराफारसँ माहारियादि

थाफानाय सुबुंफोर जाय नोगोरिफोरखौ लुथिगासिनो बिसोरो बारग'लानो हानाय नडा। बिसोरो गोखों नायबिजिनयजों मोगा-मोगि जानांगोन। मेरा बुथ मजबुत हाबाफारिनि गेजेरजों गाहाइ मन्थि मदिआ मावफारियाफोरखौ बुडोदि, राजगनि गासैबो मावफारियाफोरनि गेजेरज बुथ थाखोआव थासाखिखौ सरसन्सा खालामननै लाखिनांगोन।

थाफानाय सुबुंफोर जाय नोगोरिफोरखौ लुथिगासिनो बिसोरो बारग'लानो हानाय नडा। बिसोरो गोखों नायबिजिनयजों मोगा-मोगि जानांगोन। मेरा बुथ मजबुत हाबाफारिनि गेजेरजों गाहाइ मन्थि मदिआ मावफारियाफोरखौ बुडोदि, राजगनि गासैबो मावफारियाफोरनि गेजेरज बुथ थाखोआव थासाखिखौ सरसन्सा खालामननै लाखिनांगोन।

## बिसायख 'थि फोसावदिं खालामनो मिरुनि मन्थि शाहा सा-सान्जा भारतआव दावबायफैगोन

आगरतला, 31 मार्च: हादतआव लकसभा बिसायख 'थिनि थियारिआ गोखोडै सोलिगासिनो। दैदिनगिरिफोर गावबा गाव पाटिनि थाखाय गोखों फोसावदिं खालामनो। बेनि गेजेरजों मिरुनि नख 'र मन्थि अमित शाहाआ बिसायख 'थि फोसावदिं खालामनो सा-सान्जा भारतनि राइज्योफोराव दावबायगोन।



बिसायख 'थिनि अक्ट' फोसावनायनि उनाव सा-सान्जा भारतआव बिसायख 'थि अधियान जागायनो गोनां बिथांआ गिबि गोजौ बिबानगिरि आरो बिजेपि दैदिनगिरि जागोन। सुलुनि बायदिल्ला, बिथाडा 6 एप्रिलाव अरुणाचल प्रदेशनि सोनाव सियां जिल्लानि आल'आव मोनसे बिसायख 'थि रेलिआव बाहागो। लोगोसेनो बिसायख 'थिजों लोब्बा गोनां आयदाफोराव सावरायनायनि थाखाय राइज्यो बिजेपिनि दैदिनगिरिफोरजों जुथाइ खालामनो। अरुणाचल प्रदेशआव दावबायफैनायनि उनाव नख 'र मन्थिआ 7 एप्रिलाव सान्नेनि हाबाफारिजों बिसायख 'थि फोसावदिं थाखाय त्रिपुरयाव थांगोन। बैयाव बिथाडा आगरतलायाव रड श' आरो बिसायख 'थिआरि रेलिफोराव

बिबुंथि लाखिगोन। मख 'जाथावदि, त्रिपुरनि गिबि मन्थि माणिक साहाआ बृहस्पतिबार मोनायाव पाटिनि दैदिनगिरिफोरनो जथुम खालामनो मोन, जेराव बिथांमोना राइज्योआव नख 'र मन्थिआ दावबाय फैगोनखौ लानानै सावरायनाय जायो। अमित शाहाआ आसामजों लोगोसे गुबुन सा-सान्जा राइज्योफोराव बिजेपिनि फोसावदिं हाबाफारिफोरवबो बाहागो लागोन। मिरुनि मख 'र मन्थिनि अनगायै गाहाइ मन्थि नरेन्द्र मदि, रैखाथि मन्थि राजनाथ सिं, बिजेपिनि माहारियादि आफादगिरि जेपि नडु, मिरुनि मन्थि नितिन गाडकारी, शरबानन्द सनवाल, पियुष गयल, अर्जुन मुन्डा आरो हेमा मालिनीजों लोगोसे गोबां दैदिनगिरिफोरा सा-सान्जा

## कंग्रेसनि आफादगिरि मल्लिकार्जुनआ खामानि जांखिथाय लाबानो खोथा होदों

गोदान दिल्ली, 31 मार्च: कंग्रेसनि माहारियादि आफादगिरि मल्लिकार्जुन खड्गेआ बुंदोंदि, कंग्रेसआ रजगार एबा खामानि होनाय एबा खाबु बाहोनाय आरो लाइमोनफोरनि आसाफोरखौ जाफुहोनायनि लामायाव हाबा मावगोन। गावसोर खामानिनि जांखिथाय जागायगोन। बेयो कंग्रेसनि गेरेन्टिदि, गावसोर लाइमोनफोरनि खोमसि इयुनखौ सोराडाव लाबोगोन। लाइमोन न्यायनि गेरेन्टिखौ कंग्रेसआ फिन नोजोर होदों। बेफोर बाश्राखौ खड्गेआ एक्सआव होनाय मोनसे पस्टनि गेजेरजों बुंदों। बेनि अनगायै बिथाडा बुंवावोदि, गावसिनि पाटिआ साखिफोरनि केलेन्डार बादिदियै 30 लाख गोदान मिरु सरकारनि साखिफोरखौ होगोन। पेपार लीकनिफ्राय उदां खालामनायनि गेरेन्टि बादिदियै पाटिआ गासैबो पेपार लीकखौ आबुडै फोजोबनो थाखायबो मोनसे आइन बानायगोन। बिथाडा



लेबाफोरनि थाखाय साबसिन खामानिनि थासाखि लोबोनायजों लोगोसे लाइमोनफोरनि थाखाय 5,000 कौटि रंनि स्टार्टआप फान्ड होनायनिबो खोथा होयो। बेराफारसँ कंग्रेसनि गाहाइ नेहाथारिप्रियंका गान्धी बड्गाआ बावैसो सिगां संसदआव पास जानाय गोदान टेलिकम बिलखौ लानानैबो सरकारनि

सायाव सोंथि दैखादों। बिथाडा सोमोनांनय फोरमायनानै बुंदोंदि, सेटेलाइट ब्रडबेन्ड स्पेक्ट्रमनि जगायनायाव रोजा-रोजा कौटि रंनि गेनाखान्थि जालादों। कंग्रेसनि गाहाइ नेहाथारिआ दाय जाबसिन्दीदि, गोदान टेलिकम बिलनि गेजेरजों मदि सरकारआ 2012 निफ्राय सोलिबोनाय सुप्रिम कर्टनि नेमखान्थिफोर आरो

बिथोनफोरखौ सिमफायदों। बिथाडा एक्सआव मोनसे पस्ट खालामनानै सरकारनिसिम सोमथि दैखादों। बिथाडा बुंदों, सेटेलाइट ब्रडबेन्ड स्पेक्ट्रम इम्पर्टआव रोजा-रोजा कौटिनि गेनाखान्थि जादों नामा? जाय समाव बेरेखानि सा 143 एमपिफोरा सास्पेन्ड खालामजानाय समावसो बे गोदान टेलिकम बिलखौ मानो पास खालामा? बेयाव माबाफोर सोमोन्दो दंज्लायो नामा? प्रियंकाआ सोंथि खालामबावदोंदि, गोदान टेलिकम बिलनि गेजेरजों सेटेलाइटनिफ्राय इन्टारनेट स्पेक्ट्रमखौ जगायनायाव बलि लागायनायनि खान्थिफोरखौ मानो बोखासनाय जादों।

## भारतनि चिप्स मेनुफेक्सारिआव आवगायलानाय मोनसे फोजोबस्रानायनि सम जागोन: रघुराम राजन

गोदान दिल्ली, 31 मार्च: भारतीय रिजार्भ बैंक (आरबिआइ) नि बारग' गभर्नर रघुराम राजनआ शनिबारखालि हराव लिंकडइनआव मोनसे नट फोसावदों। बिथाडा बेयाव मोनसे निउज एजेन्सिनो होनाय बावैसो सिगांनि इन्टारभिडनि सायाव सौफैनाय कमेन्टफोराव फिनजाथाय होदों। राजनआ बुंदोंदि, हाया राइज्योकेसननि थाखाय बोसोरारि बाजेटनि रुजुनायाव चिप मेनुफेक्सारिनि थाखाय साब्सिडिआव बांसिन खरसा खालामनायनि भारतआ लानाय पलिसिआ थि नडा। इनिभासिदि अफ शिकाग' बुथ स्कुल अफ बिजनेसआव फाइनान्सनि प्रफेसर राजनआ लिदों, बेयो रोखायै जौगाखां हादर जानायनि लामा नडा। ऑनि टूल खालामना लोगोसे जेखि बुड बेयो थार होनानै गनायजाया। बिथाडा रोखायै बुंवावदोंदि, बेबादि नहादि,



भारतआ माब्लाबाबो चिप्स जानाडा, नाथाय दरप्रोमबो हादरआनो बिब्दि खालामनो नाजागासिनो दड। बेयाव थाफानाया मोनसे फोजोबस्रानाय सम जागोन। मख 'जाथावदि, राजनआ बावैसो सिगां ब्लुमबार्गआव मोनसे इन्टारभिड होदोंमोन, जायखौ लानानै दान्थे-बिदाथे सोमजिखांदोंमोन। बे इन्टारभिडआव बिथाडा इडुकेसन सिस्टेमखौ थिख खालामालासे चिप मेनुफेक्सारि बायदि हाइ प्रफाइल प्रजेक्टफोरव नोजोर होनो थाखाय सरकारखौ सावरायदोंमोन। मख 'जाथावदि, भारतआ थांनय दानआव

76,000 कौटि रंनि चिप साब्सिडि स्कीमनि गेजेरजों सेमिकन्डाक्टर प्लान्सखौ गनायथि होदोंमोन। बे मोन 3 फेसिलिटीआव गासै 1.26 लाख कौटि रं इन्वेस्टमेन्टनिफ्राय हमदंनय 48,000 कौटि रंखौ मिरु सरकारआ साब्सिडि महाराव होगोन। राजनआ लिदों, थार बाश्राया जादों चिप साब्सिडिआ केपिटेल साब्सिडिज। बेनि एडवान्स पेमेन्ट जानांगो आरो बेयो दिहुन्थायनि सायाव बिथा खालामजानाय। जुदि सरकारनि दाबि दैखानाय भारतआ थाबैनो चिप्स जागोन, फोथायजाथावब्ला केपिटेल साब्सिडिआ जोबोद थाबैनो होनाय जागोन।

## के पद्मराजनआ फिन खेबसेबाव बिसायख 'थि बादायनो थांगसिनो



तामिलनाडु, 31 मार्च: के पद्मराजनआ बिसायख 'थिआव 238 खेब जेन्नायनि उनाव बिथाडा फिन खेबसेबाव तामिलनाडु धर्मपुरि लकसभा मासिनिफ्राय उदां बिजाथि महैर बिसायख 'थि बादायनो थियारि जादों। के पद्मराजनआ बुंदोंदि, दासिम आं 239 खेब बिसायख 'थि बादायखंबाय आं फेलें जानायखौल' मोजों मोनो। आं मुलुगनों रेकड बानायनो थाखाय बिसायख 'थि बादायनो थांगसिनो। आं मोनसे बिसायख 'थिआव बांसिने 6000 भट

मोन्तो हादों। बिथाडा बुंवावदों, दासिम आं बारग' गाहाइ मन्थि अटल बिहारी वाजपेयी, बारग' लेडइ गाहाइ मन्थि लालकृष्ण आडवाणी, डिएमकेनि बारग' गिबि मन्थि करुणानिधि, एआइएडिएमकेनि बारग' गाहाइ नेहाथारि जयाललिता आरो कर्नाटकनि बारग' गिबि मन्थि बिएस येदियुरप्पनि हेंथायै बिसायख 'थि बादायदों। आं बिसायख 'थियाव देरहानो लुबैया, आं जेन्नोल' लुबैयो। जाफुसारनायखौ खेबसेल' मोन्दांनो हायो। फेलें जानाया अरायबो थाबाय थानो हागौ। बिथाडा आरोबाव बुंवावदोंदि, 1988 माइथायनिफ्राय आं बिसायख 'थि बादायनो नमिनेसन होनायनि थाखाय 1 कौटि रं जमा खालामदों। आं ऑनि पन्वार गलाखौ सालायनानै रं आंजियो। आं बेनिफ्राय आंजिनाय रंनिफ्राय जामिनि बिबांखौ होगोन। आं आफादगिरि, निगम आरो वार्ड बिसायख 'थिजों लोगोसे गासैबो बिसायख 'थियाव बाहागो लादों। बेनि उनाव आंबो बिसायख 'थि बादायगोन।

## लकसभा बिसायख 'थियाव कंग्रेसआ मोनसेल' भट मोन्तो हागोन

गोदान दिल्ली, 31 मार्च: बिजेपिनि बादिब्ला, बे लकसभा बिबाबिसायख 'थिनि बादायलायनायाव कंग्रेसआ मोनसेल' भट मोन्तो हागोन। टेक्स गेनाखान्थियाव लोब्बा थानायनि उनाव कंग्रेसआ आयकार नटिसनि आयदायाव सुबुंफोरखौ थगायनो नाजानाया सोराडाव फेबाय। बिजेपिनि गाहाइ मावख 'आव खौरंगिरिफोरजों रायज्नायनायाव पाटिनि हायुडारि बुंथिगिरि सैयद जाफर इसलामआ अजद होदोंदि, कंग्रेसनि आफादगिरि मल्लिकार्जुन खड्गे, राहुल गान्धी आरो गुबुन दैदिनगिरिफोर गावसोरनि बिबुंथिजों आयकार बिफानखौ सिगिनो



नाजागासिनो दड। बिथाडा बुंदोंदि, बेयो गाहाइ मन्थि नरेन्द्र मदिनि मुगा। बेयाव बयबो सुबुंफोरखौ थगायनो नाजादों। सिखव दड। कंग्रेसआ आयकार बिफाननिफ्राय खाजोना

होनांगौनि थाखाय मोनसे नटिस मोन्दों। बेनि उनाव कंग्रेसआ हान्जा सुरनाय दिन्थिनानै सुबुंफोरखौ थगायनो नाजादों। हादरनि सुबुंफोर थारैनो बेनि फिन्नायखौ होगोन। 2019

माइथायनि बिसायख 'थियाव कंग्रेसआ मोननै भट मोन्तो हादोंमोन। नाथाय आंहा फोथायनाय दडदि, बे केबआव लकसभा बिसायख 'थियाव कंग्रेसआ मोनसेल' भट मोन्तो हागोन।

## कंग्रेसनो आरोबाव 1,745 कौटि रंनि गोदान टेक्स नटिस दैथाय हरदों



गोदान दिल्ली, 31 मार्च: 2024 माइथायनि लकसभा बिसायख 'थिनि सिगां कंग्रेस पार्टीआ मोनसेनि उनाव मोनसे जेनाजों मोगा-मोगि जानादों। पीटीआइनि सुलुनि बायदिल्ला, दायो इन्काम टेक्स बिफाना फिन खेबसेबाव कंग्रेसनो गोदान नटिस दैथायहरदों। बे फोसावथायाव नाइबिजिनय बोसोर 2014-15 निफ्राय 2016-17 माइथायनि थाखाय कंग्रेसनिफ्राय 1,745 कौटि रंनि खाजोना सोदांनो नागिरनाय जादों। बे बिबांखौ लाफानानै इन्काम टेक्स बिफाना दासिम कंग्रेसनिफ्राय गासै 3,567 कौटि रंनि खाजोना दाबि खालामदों। लकसभा बिसायख 'थिनि सिगां कंग्रेसआ फिन खेबसेबाव इन्काम टेक्स बिफाननिफ्राय मोनसे गोदान नटिस मोन्दोंमोन, जायनि गेजेरजों नायबिजिनय बोसोर 2014-15 निफ्राय 2016-17 सिम 1,745 कौटि रंनि खाजोना दाबि खालामनाय जादोंमोन। दासिम इन्काम टेक्स बिफाना कंग्रेसनिफ्राय गासै 3,567 कौटि रंनि खाजोना दाबि खालामदों। सुलुंफोरा बुंदोंमोनदि, बिबानगिरिफोरा राजखान्थियारि दोलोफोरनि थाखाय खाजोना रेहायखौ बोखारदों आरो पार्टीनि सायाव खाजोना जाबसिनदों। कंग्रेसआ शुक्रबारखालि बुंदोंमोनदि, इन्काम टेक्स बिफाननिफ्राय 1,823 कौटिसो रं होनो थाखाय मोनसे नटिस मोनदों। पार्टीआ बुंदोंमोनदि, बिबानगिरिफोरा सिगांनि बोसोरफोरजों सोमोन्दो थानाय खाजोना दाबिफोरनि थाखाय पार्टीनि एकाउन्टनिफ्राय 135 कौटि रं दिहुन्खांबाय। कंग्रेसआ 135 कौटि रंनि खाजोना दाबिनायनि बेरेखायै बिजिसालियाव थादों आरो बे आयदायाव समबाराव गोजौसिन बिजिसालियाव हियारिनि थाखाय फेनायनि मिजिं दं।

## पाम' आरो पाम'लिननि थावनि बेसेनआ बांनयनि जाहोनाव जाग्रा थावफोरनि बेसेनआ बांदों

गोदान दिल्ली, 31 मार्च: हादरआव जाग्रा थावफोरनि जगायनाया बाडाइ जानायनि गेजेराव जाग्रा थावफोरनि गोनांथिया बांनयनि जाहोनाव थांनय शनिबारखालि थावनि हाथाइफोराव गासैबो थावफोरनि बेसेनआ बांदों। गुबुन हादरनिफ्राय लाबोनाय थावफोरनि जगायनाया बाडाइ जानायनि गेजेराव बेसर, बादाम आरो सयाबिन आरो खुनबेगरनि थावफोरनि बेसेनआ बांदों। सुलुनि बादिब्ला, जगायनाया बाडाइ जानायनि जाहोना जाबाय पाम' आरो पाम'लिन थावनि बेसेनआ सानफलावार थावनि बेसेननिखुड बाडाइसिन जागोन, अब्ला बे थावनि लाबोनाया बांगोन आरो जगायनाय लाइनआ जौगागोन। पाम' आरो पाम'लिननि थावनि



सानफलावार थावनि बेसेनआ बांनयनि जाहोनाव गुरै थावनि बेसेनआ गोहोम गोलेदों। बेनि जाहोनाव गासैबो थावनि बेसेनआ बांनो हमदों। आथिखालाव बेसरनि थाव बेगरफोरनि बेसेनआ 1

कुइन्टलआव 5,375-5,415 रं। बादामनि थावनि बेसेनआ 1 कुइन्टलआव 6,130-6,405 रं। बादामनि रिफाइन थावनि बेसेनआ मोनफ्रोम कुइन्टलआव 2,250-2,525 रं।

कुइन्टलआव 5,375-5,415 रं। बादामनि थावनि बेसेनआ 1 कुइन्टलआव 6,130-6,405 रं। बादामनि रिफाइन थावनि बेसेनआ मोनफ्रोम कुइन्टलआव 2,250-2,525 रं।

# मुलुगनि माखासे मुवाफोरनि सोमोनांथाव मिबथिनो गोनां बाथा

सुबुंफोरनि गेजेराव गोदान गोदान आयदा मुवा-बेसाद बायदिफोरनि बागै मिबथिनो लुबैनाया सिमा गैया। बेनिखायनो माबा गोदान नुयोब्लानो सुबुंफोरा बेनि सोमोन्दे खौरं बुधुमनो जागायो। नाथाय जॉनि हादत आरो मुलुगाव माखासे मुवाफोर दड, जायफोरा जॉनि मोगननि नोजोरावो थायो। नाथाय जॉ नोजोरा



होआ एबा लाखिया। बेफोरनि माखासे मुवाफोरा मुजिथाव जानायजॉ लोगोसेनो सोमोनांथावबो बेबादिनो मुलुगनि माखासे सोमोनांथाव मुवाफोरनि बागै जॉ मिबथिनो लोदो। बेफोर बाथ्राफोरा जादो- (1) बेरे मोदेंआ गात्रि जानो रोड। जॉ जाग्रा-लोग्रा मुवाफोरा



मोनसे थि समनि उनाव गात्रि जानो हमो, नाथाय बेरेमोदेंआ मुलुगनि मोनसेल' जाग्रा मुवा, जाय गात्रि जानो रोड। बेखौ दिंग्रि बथलआव मोजाडें सोना दोनोब्ला बेयो माब्लाबाबो गात्रि जानाय नड।

(2) अखाफोराबो जॉनाय (मोदान्नाय) दड। बेखौ खोनायोब्ला



सोमोनांथाय मोनगोन नाथाय बेयो सैथो। नासानि बायदिब्ला, अखाफोरनिफ्राय बारुद बायदि मोदान्नाय ओंखारो। अदेबानि जॉ अखाफोरा गावनि जॉनाय गैया होन्ना मिबथिगौ।

(3) मुलुगनि गिबिसिन केमेरानि सोमोनांथाव बाथ्राया बेनोमोनदि, बेयो जीबोर लासैयै पट'क्लिक् एबा सेबखाडामोन। बेयो एसेबां



## खारौ खान्दाय बिबार

मिस बनमि नाजरी

आं हर गेजेरनि बारसे समायना बिबार मुंखौ बुडे बयबो आंखौ खारौ खान्दाय हरावो थुफियो, हरावो बारो आरो हरावो सिरिफिनो। अनसाया आरो लुबैया रावबो आंखौ खोनासडे आंनि जिउनि जारिमिन, सान अख्रानि सान राजाजॉ नेवसि जानाय आंदि बारसे समायना बिबार। नाथाय मिथिगौ दानखोमसि हरनि फुर्णिमा अखाफोर गावदांआ आंनि हारिसेडे गावनाय आरो मिन फिन्नायखौ हांमानि खन्थाय लिरनाय, दाहानि सल' लिरनायखौ बियो बुरखायो अनसायनायजॉ आंखौ फुंबिलि जारं सानजॉ रंजानो फागुन दाननि सुदेम बारजॉ मोसाग्लानो नाथाय हायाखिसै आं निन्दा आरो मुं सुनायनि बे सोमखे मोखांखौ लानानै गावदां अखाफोरनि बोसोनखौ लाखिनो।



लासैमोनदि, सुबुंफोरा पट'नि थाखाय 8 घन्टासिम नेनानै थानांगौमोन।

(4) मुलुगनि 10 जौखोन्दो सुबुड आगसिथिं लेखा लिरा एबा लेखा जायो। बिसोर बायदि सुबुड लेखा लिरनायनि अनगायै बांसिन खामानिफोरखौ आगसि आखायजॉ मानवो सुबिधासिन



मोनो। नाथाय सुबुंल' नड। माखासे जुनातफोरबो लेफ्ट हेन्डी एबा आगसि आखायखौ बाहायग्रा जानो हागौ।

(5) अफ्टिस: मुलुगनि बयनिखुडबो देरसिन दाव अफ्टिस एबा दाव उटनि मेगनआ बेनि मेलेमनिखुडबो देरसिन जायो।

(6) बुहुंमनि गासैबो जिबफोरानो सालायजॉ थावनाय-थावै जाग्रा मुवाफोरनि स्वादखौ साखियो। नाथाय सिखिरिया सालायजॉ



स्वादखौ सालायजॉ लाया, आथिजॉसो लायो।

(7) डलफिनआ मोनसे लैथोमाआरि जिब। बेनि मख 'जाथावसिन गुनआ जादो बेयो मोनसे समआवो उन्दुनानैबो सान्नि हागौ।

(8) औवा बिफांआ जोबोद गोखैयै लावलाडे। बेयो 24 घन्टयाव 3 फुट गोलाव जायो।



## आं सासे नेहाद सुबुं

मुसि पबित्र बसुमतारी

आं सासे नेहाद सुबुं! गैया आंहा बे जोनोमाव रावबो! आंनिफ्राय गोरिबसिन सुबुं जानो थाखाय खबसे ओंखाम होवा आंनो रावबो खबसे ओंखाम। आं सासे नेहाद सुबुं। जानाय समाव खालाम जायो आं आंगोनि जोनोम गिरि बिमा-बिफाजॉ सैया-सैया सोर मिथिनो दिने आं खालाम जानायखौ बेयो जाबाय आंनि खाफालनि लिरनाय। आं सासे नेहाद सुबुं। सहाय नाडे आं 'सामफ्रामबो दुखु मादि माया गेलेना आनान गसाइनि खालाम जाबाय आं सासे जुनात बायदि दुखुखो सहाय नांडाखै आं बायदि बे जोनोमाव रावबो सुबुंआ। आं सासे नेहाद सुबुं! दसेनि जानाय दसेनि अननाय आंनि आर 'ज इसोरनि बोरल हाय! खाफाल मादि जालांगोन सानसनो हाया बुंसनो हाया मादि माया गेले होनाय इसोरनि आं सासे नेहाद सुबुं।

# रंजालि गथ'फोरनि सौरा

## बड'फानिसिम जॉनि खुलुमनाय

नै बड'फा नॉनि गोथार जोनोम सानाव जॉथि जेवारि फोजोना खुलुमो जॉ दिने जिउमानि गोजोन हास्थायना।

माहारनि थाखै गावखौ बावसोमना जुजिबोनाय लामायाव जेनरोडै बर 'नि बिफा नॉ बड'फा बावगारहाया जॉ नॉनि होलांनय बिहोमा।

जेरैबो गोलैसोनाय बर' हरिखौ जौगाहोनांगौनि थाखाय खामानि मानवो उदां मुलुगाव गुबुनफोरजॉ समानै आगान सुरफानो हानाय गोहोखौ नॉनो होलांनय।

सेरखाय-बेरखाय राडजो जाबोनाय आलाय-सिलाय बर' फिसाफोरखौ गारसेयै होसिखाव होसिखाव खौसेथि खालामनो हानाय नॉनि देरहासारनाय।

सिरियै उन्दुस्निना थानाय बर' हरिखौ गोजोन आरो खौसेथिनि मोन्थोरजॉ गावखौ बावसोमना खामानि मानवो गोहो आरो थुलुंगा होलांनय नॉनि बाखनायथाव।

निजोम बर' पसिसम पानेरि, अदालगुरि

## गोरोबने खन्थाइ

जिउखां राहा गैयाबाबो बड'सा रादाव अरायबो

बायना फरायनाय अनसायनाय थालिम खालामना लाखाबाय

हांगसिनो हांगसिनो आदार होनाड अमानो

दाहा थाबाय हांमा थाबाय जाफुडैथाखाय मिजिनाय

गावनि थाखाय थोगो दंमोन बेखौनो लाबजा थारगौमोन

नाथाय जॉहा आदायानो समाय थारनाय नड होनो

गाव बोराय मोखां जाथारबाय नागिर बावो समाय थारनाय

देरलायनि फागुन दानावो खैना नायदोनि नॉदानो

फागुन दाना मोजां बिलि जानांगो नायथायनाय जुलि

फागुन दाना मोजां बोथोर मोनो आमदानि मैगफोर

जिर जिर जिंगा जिउ राहा जिउ लामायाव गैया जायहा

बिजाब फराय बिजाब फराय गियानखौ आरजिनो थाखाय

गियाननि बिगुमा जानो नांगौ बिजाबखौ फरायनो

जिउखां राहा गैया जायफोर दहम दहम जायो दिखार

जाफुडबा मिजिं आसा जानो नाड दे निरासा

बिलि लाना रागनि खबाव सोरबा बुंफ्लाडे बायगर राव

सोमब्लि बिबार मान्दार बिबार बेसेदि महर गोसा थार

फागुन दान सफैबायनालाय रानस्त्राव बोथोर जालायबाय

नांगौ नांगौ फागुन दानाव जाय जुलि जागोन संसाराव

गोजोननि संसार मोनजागोन सोरगो बादि नखर जागोन

रैदोम बर', माजदिवा, बगुलामारि, बाक्सा

## बड'फा उपेन्द्र नाथ ब्रह्म

बावाखै जॉ बड'फा नॉनि बोसोनखौ नेवसियाखै जॉ बड'फा नॉनि थांखिखौ, जांखिखां, जांखिखां बर'फोर जांखिखां बैफोर बादि बुंनय नॉनि बोसोनखौ।

नॉनि होनाय गोहोजॉ बड'फा दिने जॉ आगानसेबाबो दावगाबाय, नांगौ जॉनो उदांस्ति, नांगौ जॉनो ॥ uman Rights

जांखिखां बर'फोर जांखिखां, बैफोर बादि होनाय नॉनि स्लगानखौ बावाखै जॉ बड'फा नॉनि बोसोनखौ।

बर' बिमानि गोबोआव जोनोम लानानै आद्रा समावो गोमोरलांनय नॉ बड'फा। दंवावोमोन नॉहा बर' हरिनि गोबां माननांगौ हाबा थालांनय नॉनि मिजिड लामा ससेयावो आद्रा जाना

नाथाय, नाजागोन, आवगायगोन जॉ बड'फा नॉनि आद्रा मिजिंखौ जाफुसा खालामनो बावाखै जॉ बड'फा नॉनि बोसोनखौ। ओंखारगोन जॉ दावहा थिलियाव, दाहाल थुंग्रिजॉ नडब्लाबो जॉनि आगदा आखाइनि कलमजॉ दावहा नांनो।

दानि गोदान मुगायाव नॉनि गोहोजॉ बड'फा गिया जॉ सुथुरखौबो, गिया जॉ गुबुनखौबो, थाया जॉ गुबुननि आइथि सिडव जाया जॉ गुबुन हरिनि उन, दावगागोन जॉ सोलोथाइ बिथिंजॉ सुफुंगोन जॉ बड'फा नॉनि आद्रा मिजिंखौ

बावाखै जॉ बड'फा नॉनि बोसोनखौ नेवसियाखै जॉ बड'फा नॉनि थांखिखौ, जांखिखां बर'फोर जांखिखां नांगौ जॉनो उदांस्ति, नांगौ जॉनो बड'लेन बैफोर बादि होनाय नॉनि बोसोनखौ।

जॉसार बसुमतारी 6 नं सान्धिपुर, गहपुर

## फैमालनि हांमा

देंखो बोदों राव गैजायै गुस्थियाव रानफलेलांदो बिलाइ गोरान खामनाय बिखाया हांगार जालांदो आद्रा जालांनय मोन्दो सानस्त्रिनि दिड! जहाबसेना थानाय बैदासिनि देंखोआ खोवौनि रिनदाव-रिनदाव गावनाय गोबाथुबनाय दख 'ना लाइगां बिसिफले-बिसिफले सोलेरखौ फिसि-फिसि मेगननि जालामा बोद्ला-बोद्ला मानिबा सावगारिखौ नायनो हायाखै गोरबो मोन्थाय गोरबो मोन्दां फैमालनि आसा खुंदो हनै! आं दा राहा गोथे गाथोननि रगुआव मोदैन मेला खुंनो थाम-थुम रगु मोनस'थै सिमांफोरा दा आला आनद्रि लामा थाबायगासिनो नाथाय आं दा फैमालनि हांमा सुरै-सुरै मंग्लिहाबबाय!

अन्धालि सगियारि बाक्सा

## नॉनि अनगा बोरै

नॉनि मोजां मोन्नाया गासिबो फंमाल र'जे नॉनि मोजां मोन्नाया अखा मोफ्लामनाय बायदिसो माथो, नॉखौ मोन्नो हास्थायनायावो आं बुंजाबाय मासे मोस्रोम हास्थायदोमोन आं नॉखौनो, नाथाय आं दा नॉनि सावगारिखौल' मोनबाय रजे सान्दोमोन आं नॉनि अनगा माबोरै जानो ॥ नाथाय जानांनय आं दुखु दाहाजॉ गेब्लेगा मासे मोस्रोम हांमा गालांनय नॉ रजेआ आंनि सायाव खेबले-खेबले गोसो खांनय थायो आं नॉखौनो रजे। होमब्लाबो आं नॉखौ बावो हानाय नंथारा रजे नॉनि अनगा जानाय नड रजे जेब्लायबो।

अरगें बसुमतारी गामि:-उलुबारि, ला:सो:-रनसाइधाम जिल्ला:-सिरां बि टि सि।

# भवानिपुर दखरा फरायसालिमानि गोरायुं ड० मुकुन्द शर्माखौ बरायनानै बिदाय मान बाउदों

भवानिपुर, 31 मार्च: “दावराव-दावसिया समाजखौ गोखौ खालामा। दावराव-दावसिनि गेजेरजौं गंसे समाजखौ दावगालांहोने हाया। समाजखौ गोखौ खालामनोब्ला मानसि अन्याय, आबुधि, आसार-खात्थिजौं बुफबनाय समाज जानांगोन। आबुधि, आसार-खात्थि गोनां गोहोयासो समाजखौ दावगालांहोने हायो। समाजखौ आबुधिगोनां, सुबुं मोन्दान्धि सानधि, थुत्तुंगाखांजौं दावगालांहोनांगोन। मानसिनि सानसिया गोथौ आरो गुवार जानांगोन।” बे बाश्राखौ बुडे भवानिपुर दखरा फरायसालिमानि गोरायुं एबा गागि लिरगिरि, सोलौंथाइगिरि ड० मुकुन्द शर्माआ। दिने भवानिपुर दखरा फरायसालिमायाय बिथानि गोरायुंनि मासि एबा साखि जिउनि जोबथा समाव खुंनय बिदाय मान बाउनाय हाबाफारिनि गोवलां मेलाव ड० मुकुन्द शर्माआ बे बाश्राखौ बुडे। बिथाड बुंवावोदि,

सोलौंथाइ फसंथानफोरा समाजारि जौगाथायनि गहाइ थावनि आरो सोलौंथाइ फसंथान जौगानायानो समाजनि जौगानाय। सोलौंथाइ फसंथान जौगानायया हादत जौगानाय। जौगाखां सोलौंथाइ फसंथाननिफराय दिहुनजानाय सुबुं सम्पदआ समाजनि इयुन दानायया बिपाव लायो होन्नानै बिथाड बुडे। 12 बोसर 3 दान भवानिपुर दखरा फरायसालिमायाय गोरायुं महै साखि मावनाय समजौं लोगोसे 3 जिथयनिबो बांसिन सम फोरंगिरिनि साखि जिउनि गोबां गोसोखांथिफोरखौ रायखानानै ड० मुकुन्द शर्माआ फरायसालिमानि उनि जौगाथायनि बिथिडव हेफाजाब होलांगोन होन्नानै फोरमायो। भवानिपुर दखरा फरायसालिमानि सामब्लाय आफाद, फरायसा खौसेधि आफाद, मावफारिया



आफाद, बारा' फरायसा आफाद आरो भवानिपुरनि गुबुन गुबुन दोलो-आफादनि बान्जानायया खुंनय, फरायसालिमानि बिबान रजुननाय गोरायुं मानस कुमार चक्रवर्तीनि आफादगिरि मासि सामब्लायनायाय खुंनय

बिदाय मान बाउनाय हाबाफारियाय फरायसालिमानि सामब्लाय आफादनि आफादगिरि धनिराम तालुकदार, दिथागिरि आफादनि आफादगिरि रबिन कलिता, फरायसा खौसेधि आफादनि गहाइ नेहाथारि

अंकुर तालुकदार, बारा' सोलौंथाइ बिबानगिरि धरनिधर तालुकदार, बारा' फरायसा आफादनि आफादगिरि चम्पक बायन, नेहाथारि दिपक ठाकुरिया, आसुनि दैदेनगिरि अंकुर तालुकदार, भवानिपुर हिन्जावसा गोजौ गेजेरि फरायसालिनि बारा' फोरंगिरि रतु कुमार दास, भवानिपुर सत्र सामब्लाय आफादनि आफादगिरि चन्दिप्रसाद दास, अजिआ मोनाय फोरंगिरि महम्मद आलि हाज रिक्का, खौरंगिरि राजिब तालुकदार, सर्थेबार्नि बापुजि फरायसालिमानि गोरायुं ड० रमेश दास, ड० मुकुन्द शर्मानि बिसि आरो तिहु फरायसालिमानि लोगो प्रफेसार ड० दिपालि शर्मआ ड० मुकुन्द शर्मानि रंग'धि, आबुधुथायनि सायाव गुवारि फोरमायथिनानै होयो। मख'नो गोनांदि, भवानिपुर दखरा फरायसालिमानि असमीया बिफाननि बिबानगिरि प्रफेसार ड० दिलिप कुमार डेकाआ दैदेनाय मेलाव बिदाय होजानाय ड० मुकुन्द शर्माखौ फरायसालिमानि फरायसा

खौसेधि आफाद, मावफारिया आफाद, फरायसालिमा दासाइ साहित्य सभा, बारा' फरायसा आफाद, दिथागिरि आफाद, गेलेमु दासाइ, भवानिपुर सत्र सामब्लाय आफाद, भवानिपुर दखरा आजिज मोनाय फोरंगिरि-मावफारिया आफादजौं लोगोसे गुबुन गुबुन दोलो-आफाद आरो सालवारि टिसिएलसिसिनि मासिगिरि बिनद मुसाहारीआ बिहु फालि, आर'नाइ, शराइ, मान बिलाइ, गोसोखांथि कलम, खरिफि, बिजाब बायदिजौं बरायनानै बिदाय मान बाउनाय जायो। गुबुन फासैथि, भवानिपुर दखरा फरायसालिनि फरायसुलि मौसुमि कलिताआ गावनो आखिनाय ड० मुकुन्द शर्मानि सावगारिजौं ड० शर्माखौ मान बाउवो। बेनि अनगायैबो मेलाव ड० मुकुन्द शर्मानि बिसि आरो तिहु फरायसालिमानि लोगो प्रफेसार ड० दिपालि शर्माखौबो मान बाउनाय जायो।

(□ 1 बिलाइनिफ्राय)

## बड'फा उपेन्द्रनाथ ब्रह्मनि 68थि जोनोम साननि लोब्बायै दुलाराय आसामनाडै फरायसा ...

जागयानानै एबसुनि गोथार फिर्फिलाखौ बिरहोयो आफादगिरि दिपेन बर'आ। बड'फानि फबनाय थावनि एबा मॉकरसालियाव बिबार बाउजेनो बर' थुनलाइ आफादनि आफादगिरि ड० सुरत नार्जिरिआ आरो बड'फा उपेन्द्रनाथ ब्रह्मनि मुसुखायाव बिबार बाउजेनो बड'लेन्ड मुलुग सोलौंसालिनि रेजिस्ट्रार आरो इडएनबि ट्रास्टनि मासिगिरि ड० सुबुं बसुमतरिआ। गोजोन आरो खौसेधिनि थाखाय फारौ आरो बेतुन बिरहोयो कक्राझार इडएन एकाडेमिनि बिथोनगिरि कृष्ण गपाल बसुमतरि, बिटिआरनि गहाइ मावफुं सोद्रोमानि राजखात्थि बोसोनगिरि ड० बेरलाव के काधि, कक्राझार नोगोर आफादनि मासिगिरि प्रतिभा ब्रह्म, इडपिपिएलनि गहाइ नेहाथारि रजु नार्जिरि आरो बिफां फुलिखौ फरायजेनो मिरु एबसुनि गहाइ नेहाथारि परमेश्वर ब्रह्मआ। फुंबिलिनि हाबाफारिया जोबनायनि उनाव फरायसा सान फालिनायजौं लोब्बा लाखिनानै एबसुनि आफादगिरि दिपेन बर'नि मासि लानानै दैदेनायाव मोनसे गेवलां मेल खुंनय जायो। बड'फा उपेन्द्रनाथ ब्रह्मनि सान्थौ आरो सानसिजौं गेरमसा बर' माहारि दानायया आधिखालनि फरायसा आरो माहारिया लानो गोनां बिफाव आयदानि सायाव खुंनय गेवलां मेलखौ गावनि बेसेन गोसा बिबुंथि लाखिनानै गेजेरजौं बेखेवनानै होयो आसामनि केबिनेट मन्थि उखव गोर ब्रह्मआ। दिनेनि बे फरायसा सान फालिनायनि लोब्बायै गेवलां मेल हाबाफारियाव गहाइ आलासि महै बाहागो लायो मुम्बाइनि मुंदाखा भारतआरि खौरंगिरि आरो समाज सिबियारि रुपा चिनाइआ। गहाइ आलासि महै बाहागो लानानै गा-सान्जा राइज्यो दावबायफैनानै बर'फोरनि माखासे जारिमिनारि थासारि, बर' हारिनि जेना-जैसिनि बागै गावनि खौरंगिरि जिउ समाव खौरां लिरनानै माहारियारि थाखोआव गोसार होनाय आरो बड'फा उपेन्द्रनाथ ब्रह्मनि दैदेनायाव बड'लेन्ड सोमावसारनायखौ खौरां फोसावनानै गेजेरजौं माहारियारि थाखोसिम गोसारहोनायाव गावनि हेफाजाब आरो बिहोमनि सोमोन्दै गावनि बिबुंथिनि गेजेरजौं गुवारि फोरमायथिनानै होयो गहाइ आलासि रुपा चिनाइआ। हारि आरो हादत दाफुंनानै बेलायाव बड'फा उपेन्द्रनाथ ब्रह्मनि सान्थौ आरो सानसिजौं खामानि मावनाया थारैनो भारत ख बान्था मोनांगो होन्नानैबो रुपा चिनाइआ गावनि बिबुंथियाव फोरमायो। बेराफासै दुलाराय बर' फरायसा आफादनि आफादगिरि दिपेन बर'आबो गावनि बिबुंथियाव फोरमायोदि, बड'फा उपेन्द्रनाथ ब्रह्मनि सान्थौ आरो आदर्शखौ लानानै दुलाराय बर' फरायसा आफादआ हारिनि अलखद समाव जेब्लायबो दाहाल थुंथि बायदि गसंथाबोदों। दुलाराय बर' फरायसा आफादआ बड'फानि गेरमसा हारि दानायनि सिमां, हारिनि फारफोमबो बिथिडव जौगाहोनाय, सोलौंथाइ जौगाहोनाय, समाज जौगाहोनायनि थाखाय थाद'नाय गैथै खामानि मावबोदों। जेब्लोसिम बुधुमाव बर' हारिआ थानानै थागोन अब्लासिम बड'फा उपेन्द्रनाथ ब्रह्मनि सान्थौ आरो सानसिया थानानै थाबाय थागोन। बड'फाआ दिने थैनानै थांदोंब्लाबो बिथानि आदर्श आरो सानसिया जौनि थै मोदोमाव हावनानै डड'आरो बिथानि बे आदर्शजौनो दुलाराय बर' फरायसा आफादआ माहारि जौगानायनि थाखाय खामानि मावलांबाय थागोन होन्नानै बड'फा उपेन्द्रनाथ ब्रह्मनि सान्थौ आरो थानानै थानो हो-मोन्थोखौ लानानै दुलाराय हादतनि गेजेरवानो अहिंसा खात्थिजौं हारि आरो हादत दानायनि थाखाय खामानि मावबोनाय हिसाबे बड'फा उपेन्द्रनाथ ब्रह्मनो भारत ख बान्था होनांगो होन्नानै मिरु सरकारनिमिम दाबि खालामो दुलाराय बर' फरायसा आफादनि आफादगिरि दिपेन बर'आ। लोगोसे बड'फा उपेन्द्रनाथ ब्रह्मनि जोनोम सान 31 मार्चखौ राइज्योनाडै फरायसा सान महै बे बोसोरनिफ्राय फोसावनानै थाखाय गिबि मन्थि ड० हिमन्त बिश्व शर्मा आरो राइज्यो सरकारनिमिम साबायख'र जासियो। दिनेनि बे फरायसा सान फालिनायनि फुंबिलिनि हाबाफारियाव बर' थुनलाइ आफादनि आफादगिरि ड० सुरत नार्जिरि, राइज्यो सभानि एमपि रोनगोरा नार्जिरि, एमएलए जयन्त बसुमतरि, एमएलए जिरन बसुमतरि, बिटिसिनि बारा' लेडाइ गहाइ खुंगिरि खाम्पा बरायारि, एमसिएलए प्रकाश बसुमतरि, एबसुनि बारा' दैदेनगिरिफोर, बर'नि गोबां माहारियारि आफाद गौधुमफोरनि दैदेनगिरिफोर, मेलेम जिबि-सान्मुमेफोरबो बाहागो लानानै बड'फा उपेन्द्रनाथ ब्रह्मनि मांखरसालियाव बिबारजौं मान बाउदों। दिनेनि बे फरायसा सान फालिनाय हाबाफारियावबो गोबां राइजो-राजा आरो गुबुन गुबुन फरायसालि-फरायसालिमाफोरनि फोरंगिरि-फरायसाफोरा बाहागो लानायजौं सानसेनि हाबाफारिजौं खुंनय फरायसा सान फालिनाया जाफुंसारे जोबलाडो।

## हाग्रामाया एबसु, प्रमद बर'नि सायाव मुं ...

आफादगिरि हाग्रामा महिलारी आरो कक्राझार लकसभा बिबाबनि एमपि नब' कुमार शरनियाखौ गोखौं रावजौं सोंखारियो। जयन्त बसुमतरिआ खौरां बिजौनि सिगाडव बुडेदि, बिटिसिआव थानाय 17 बोसोराव बुथारनाय, सिंहा, गेना-खात्थिजौं खुंथाय खुंनोनाय हाग्रामा महिलारी आरो बिथानि बिपिएफ दोलोखौ मोनसेबो हारि-माहारिनि राइजो-राजाफोरा फोथाया। हाग्रामाम महिलारी आरो बिपिएफ दोलोआ राइजो-राजाफोरनि गेजेरनिफ्राय गोजान जालांबाय। दिनेनि समाव हाग्रामा महिलारीनि बिपिएफ दोलोन कक्राझार आरो दर-उदालगुरि लक सभा बिबाबनि बिजाथिया लोगो गैजायै थासारिजौं भुगिनांदों। लाइजो-राजाफोरा हेफाजाब होयाखै। भारत, आसाम आरो बिटिआरआव गासैबो हारि-माहारिनि राइजो-राजाफोरा एनडिओ हेफाजाब होनायजौं एनडिएनि दोहौ सोमजिदों। बेनिखायनो बे खेबनि लक सभा बिसायख'थिआव 70 जौखोन्दो भट मोनगोन आरो नरेन्द्र मदिनि दैदेनायाव एनडिआ फिन हादतआव खुंथाय गोहोयाव फैन्याया रोखा होन्नानै बिथाड बुडे। जयन्त बसुमतरिआ बुंवावोदि, हाग्रामा महिलारीआ प्रमद बर' दैदेनाय सरकारखौ एबसुआ सालायबाय थादों होना एबसु बायदि माहारियारि आफादखौ मान गैथै खालामनाया मोजां जायाखै। हाग्रामा महिलारीआ एबसुखौ मुंसुबोदों। नाथाय थगायनायनि राजखात्थि खालामनाय हाग्रामा महिलारीआ एबसुनि सायाव मुंसुनायखौ राइजो-राजाफोरा फोथाया होन्नानैबो बिथाड बुडे। बिथाड बुंवावोदि, कक्राझार आरो दर-उदालगुरि लकसभा बिबाबनि बिपिएफ दोलोआ बाडइल' भट मोन्नानै जेनगोननि थाखायनो हाग्रामा महिलारीआ एबसुनि हेंथायै प्रमद बर'नि हेंथायै बिबुंथि होबोदों। खौरां बिजौनि सिगाडव जयन्त बसुमतरिआ कक्राझार लक सभा बिबाबनि एमपि नब' कुमार शरनियाआ गोखौं रावजौं सोंखारिनानै बुडेदि, हादतनि गेजेरव बर्यनिखुडबो खामानि गैथै, राइजो-राजाजि जौगाथायनौ लोब्बा गैथै एमपिआनो जादों नब' कुमार शरनिया। नब' कुमार शरनियाआ गावनि 10 बोसोर एमपि समाव संसदआव खेबसेबो फंसेबो राव बुडखै। थानाय 10 बोसोराव एमपि नब' कुमार शरनियाआ कक्राझार लकसभा बिबाबनि गावनि एमपि फान्डीनि रंजौं बरेयाव मा जौगाथायनि खामानि मावदों बेनि जेबो नैसेन गैया। नब' कुमार शरनियाआ एमपि फान्डीनि रंजौं कक्राझार लक सभा बिबाबनि जेबो जौगाथायनि खामानि मावाखै होन्नानै बिथाड बुडे। मख'नो गोनांदि, कक्राझार लक सभा बिबाबनि एनडिएनि बिजाथि जयन्त बसुमतरिआ सालवारि टिसिएलसिसिनि मासिगिरि बिनद मुसाहारी, इडपिपिएलनि दैदेनगिरि सुरेश सरकार, बुडु बसुमतरि, काजल चौधुरीजौं लोगोसे दोलोन गोबां दैदेनगिरिफोरखौ लानानै कक्राझार लक सभा बिबाबनि सिडव थानाय मानस ओन्सोलाव बिसायख'थिनि फोसावदिनाय हाबाफारि खुडे।

## कक्राझारआव बिहु मोसानाय आरो दामजु ...

सान 5 नि हाबाफारिजौं बिहु मोसानाय आरो दामजु दामनायनि मावबादाया जागायजेन्दोंमोन। दिने बे मावबादानि जोबथा साननि हाबाफारियाव मनिकान्चन आइजो आफादनि आफादगिरि स्मृतिमथि शर्मा, नेहाथारि बिमला डेका आरो गागि खौरंगिरि मनालिसा शर्माजौं लोगोसे आफादनि गोबां सोद्रोमाफोरा बाहागो लायो।

(□ 1 बिलाइनिफ्राय)

## कंग्रेस दोलोआ आसामआव लकसभा बिसायख'थिनि ...

फोसावदिनायखौ आरोबाव गोखौंसिन खालामनो थाखाय इन्डिया नेसेनेल कंग्रेस दोलोआ आसामआव खुंजानो गोनां लकसभा बिसायख'थिनि थाखाय बिसायख'थि फोसावदिना दोलोनि माखासे दैदेनगिरिफोरखौ स्टर केम्पेनार महै मुं फारिलाइ फोसावदों। फेगौं 19 एप्रिलआव खुंजानो गोनां गिबि खोलोब बिसायख'थिनि थाखाय आसामआव बिसायख'थि फोसावदिनायनि थाखाय गासै सा 40 दैदेनगिरिफोरनि मुं फारिलाइखौ कंग्रेस दोलोआ फोसावदों। आसामनि थाखाय कंग्रेसनि स्टर केम्पेनारफोरा जादों फारियै- कंग्रेसनि आफादगिरि मल्लिकार्जुन काडुगे, सनिया गान्धी, राहुल गान्धी, जय राम रमेश, प्रियंका गान्धी भद्रा, जितेन्द्र सिं, मुकुल वासिनिक, पालव केरा, पृथ्वी राज साते, अन्का लम्बा, रन्दिप सिं सुजैवाला, कन्या कुमार, बुपेन कुमार बरा, देवब्रत शइकिया, रकिबुल हुसेन, पवन सिं गातवार, रानि नरह, जाकिर हुसेन सिक्दर, प्रनति पुकन, रजु शाहु, राजिब लसन पेगु, बलिन कुलि, दिप गौ, आबुदुल कालेक, दुर्गा भूमजि, आतुवा मुन्दा, रकिबुदिन आहमेद, बि.धि.श्रिनिबाष, बरुन चौधुरि, नन्दिता दास, शिबामनि बरा, भास्कर ज्यती बरुवा, यादव शर्मागिरि, दिगन्त बर्मन, गुनाकान्त गौ, समाना बरुवा, बिपुल गौ, सपन कुमार मन्दल, बेदाब्रत बरा आरो रतुल कलिता। गोजौंआव मख'नाय कंग्रेसनि दैदेनगिरिफोरा गिबि खोलोब बिसायख'थिनि थाखाय आसामआव बिसायख'थि फोसावदिनायाव मुखेबे थांथाबगोन। मख'नाय जायोदि, आसामनि मोन 14 लकसभा बिबाबनि गेजेरव कंग्रेस दोलोआ गाव हारिसिडै गासै मोन 13 बिबाबफोराव बिसायख'थि गेलेगोन।

## तामुलपुर प्रेसक्लाबआ

### खौरंगिरिनि सायाव गाग्लोबनाय..

खुंथायनिमिम दाबि दैखांदों। तामुलपुर प्रेस क्लबनि आफादगिरि उतपल दास आरो नेहाथारि प्रसाद दासआ बे जाथाया सुबुं खुंथायनि त्रैथि खुंथियानि फासं खैफोद लाबोदों होना फोरमायनानै बे जाथायजौं लोब्बा थानाय बिफा-फिसाज्ला फारियै शशधर कलिता आरो अमित कलिताखौ थाबैनो हमनानै साजा होनो दाबि दैखाडो। मखतामुलपुर प्रेसक्लाबआ नो गोनांदि, थानाय 2023 माइथायाव बाइहाता सारिआलिआव सोमजिनाय मोनसे जाथायनि सोमोन्दै खौरां बुधुमनायनि थाखाय बिफा-फिसाज्लाआ लोगो नानानै थानाय शनिबाननि हराव खौरंगिरि अभिजित दासनि सायाव गाग्लोबो। मोखां बाहागो आरो खर'आव रडजौं गाग्लोबनायाव गोब्राबे जोखोम जानाय अभिजित दासखौ गंसे गावआरि खोन्देनि नासिं हमआव थिसनहेयोब्लाबो उननि समाव जौगा थाखौनि फासमथायनि थाखाय गुवाहाटीनि जिएमसिएस देहा फाहामसालिसिम दैथायहरो।

बे जाथायनि हेंथायै बाइहाता पुलिस थानाययाव मोनसे गसर थिसन्याय जादों। दासान्दि खारखुमना थानाय दायनिगिरि बिफा-फिसाज्लाखौ नागिरनाय हाबाफारि लादों बाइहाता पुलिसआ। गुबुन फासैथि, बड'लेण्ड खौरंगिरि आफादनि गहाइ नेहाथारि रमेन दासआबो बे जाथायखौ गोखौं रावजौं सोंखारिनानै दायनिगिरिखौ थाबैनो हमनो दाबि दैखाडो।

## भक्तपाराआवबो बड'फा उपेन्द्र नाथ ब्रह्मनि 68 थि जोनोम..

एबा फरायसा सान फालिनाय जायो। दिनेनि फरायसा साननि फिर्फिलाखौ बिरहोयो उदालगुरि जिल्ला एबसुनि आफादगिरि कार्नेलियास दैमारीआ। मुंखलंफोरनो मान बाउवो बारा' खौरंगिरि खरोन बसुमतरि आरो बिफां फुलि गायजेनो बारा' बुंथिगिरि मधुम बरनआ। गेवलां मेलखौ आफादगिरि मासि लानानै सामब्लायो जिल्ला एबसुनि लेडाइ आफादगिरि धरनि बर'आ। बे मेलाव बड'फा उपेन्द्र नाथ ब्रह्मनि जिउ जारिमिननि सायाव बिबुंथि होयो एबसुनि एजिएस दिनेश ब्रह्मआ।

## बिटिआरनि दाब-दाब

### ओन्सोलफोराव अखा, बारहुंखा...

थानाय मजाति गामियावबो बारहुंखाया गाजि रोखोमै गोहोम खोखलैदों। बे गामिनि गोबां नख'रफोरनि न'नि उखुमफोरा बुखारजानायजौं लोगोसे गेदेर-गेदेर अन्थाइ गोग्लैनायाव न'नि तिं आरो इन्चुरफोरा गल्लनायखौ नुनो मोन्दों। लोगोसे बे गामिनिनो गंसे गुदि फरायसालि 626 नं मजाति गुदि फरायसालिनि तिंआ बारजौं बुखारलांजादों। बेबायदिनो खात्थि-खाला गामिफोरावबो गोबां न'-बांफोरा गाजि रोखोमै खहा जानायजौं लोगोसे बिफां-लाइफां, गइ, थाइजौ-खान्थाल बायदि न'नि सम्पदफोराबो गाजियै खहा जादों। बेबायदिनो कक्राझार जिल्लानि बसगाव क्लास्टारनि सिडव थानाय 1001 नं लालपुर गुदि फरायसालिनि उखुमआबो बारजौं बिरखारलांदों। खौरां लिरजासिमाव गंसे न'फोरा सिलिंखार जादों आरो बेसेबांसो नख'रफोरनि सम्पदगिरि धरनि बर'आ। बेनि रोखा फोरमायथि मोनाखै। लोगोसे दिनेनि अखा-बारहुंखाजौं जायखि-जाया सुबुंफोरनि जिउ खहा जानाय एबा जोखोम जानायनि खौरां मोनाय जायाखै।

(□ 1 बिलाइनिफ्राय)

## आसामनि गिबि खोलोब लकसभा बिसायख'थियाव सा 35 बिजाथिफोरनि ...

लाफिन्दों। गिबि खोलोबनि बिसायख'थियाव आसामनि बारा' गिबि मन्थि आरो आधिखालनि मिरुनि मन्थि सरबानन्द सनवाल आरो कंग्रेसनि एमपि गौरव गौआबो बिसायख'थि गेलेगोन। डिडुगुड लकसभा बिबाबआव सरबानन्द सनवालजौं लोगोसे आरनि बिजाथि मनज धनवाइ आरो एजेपिनि बिजाथि लुरिनज्यती गौनि गेजेराव बिसायख'थिनि दावहाया जागोन। बेराफासै जरहाट लकसभा बिबाबआव कंग्रेसनि बिजाथि गौरव गौजौं लोगोसे बिजेपिनि बिजाथि तपन कुमार गौ, इकम सनातन भारत दलनि बिजाथि अरुन चन्द्र हेन्दिक् आरो उदों बिजाथि रजकुमार दुवारनि गेजेराव बिसायख'थिनि दावहाया जागोन। काजिराड बिबाबआव गासै सा 11 बिजाथिफोर नमिनेसन बिलाइ गथायदों। बिसोर सा 11 बिजाथिफोरा जादों फारियै- बिजेपिनि बिजाथि कामाख्या प्रसाद तासा, कंग्रेस दोलोनि बिजाथि रसलिनार्ति, भिपिआइनि बिजाथि अनिमाल देका गुप्ता, आसाम जन मसनि बिजाथि सलिम आहमेद, आरपिआइ-पू नि बिजाथि साले आहमेद मजुन्दार, बिजिपिनि बिजाथि सैलेन चन्द्र मजुन्दार, उदों बिजाथि महै आबुदुल हक, जतीश रन्जन गस्वामी, त्रिदिप ज्यती भुजा, दिलवारा बेगम आरो बिनद गौ। बेराफासै सनितपुर बिबाबनिफ्राय सा 8 बिजाथिफोरा बिसायख'थि गेलेनायाव थियारि जादों। सनिपुर लकसभा बिबाबआव नमिनेसन गथायनाय सा 8 बिजाथिफोरा जादों फारियै- एपिनि बिजाथि रिधिरस कुन्दिलिया, कंग्रेसनि बिजाथि प्रेम लाल गुन्जु, बिजेपिनि बिजाथि रन्जित दत्त, बिपिएफनि बिजाथि रजु देउरि, बिएसपिनि बिजाथि आलम आलि, भिपिआइनि बिजाथि रमेश्वर स्वर्गियारि, जिएसपिनि बिजाथि रिंकु रथ आरो उदों बिजाथि प्रदिप भान्थारि। बेबायदिनो लक्षिमपुर बिबाबआवबो सा 9 बिजाथिफोरनि गेजेराव बिसायख'थि बादायलायगोन। बिसोर सा 9 बिजाथिफोरा जादों फारियै- कंग्रेसनि बिजाथि उदय शंकर हाज रिक्का, बिजेपिनि बिजाथि प्रधान बरुवा, एआइटिसिनि बिजाथि घनकान्त शुतिया, सिपिआइनि बिजाथि धिरेन कछारि, एसइउसिआइनि बिजाथि पल्लव पेगु, भिपिआइनि बिजाथि बिरन बाइनुं, उदों बिजाथिफोर गबिन बिश्वकरमा, देबनाथ पैठ आरो बिक्रम रामचियारि। बेबायदिनो आसामनि गिबि खोलोबआव खुंजानो गोनां मोन 5 लकसभा बिबाबफोराव गासै सा 35 बिजाथिफोरनि गेजेराव बिसायख'थिनि दावहाया जागोन।

## सालवारिआव बारहुंखाजौं गोबां न'-बां सिलिंखार...

कमलाबारि, रुपहि, बाटखला, साउदर्रभिता, दलाजानि, बोरडबारि, मायंपारा, उथियागुरि, आफहाता, पालसिगुरि, पातला, हुदुखाता, रौमारि, बासबारि, ताडबारि आरो सालवारि महकुमानि गुबुन गुबुन जायगाफोराव गोबां न'-बां, बिफां-लाइफां, मोब्लिब खुंथियाफोरखौ खहा खालामलाडो। गोलाव बारनाय गोखौं बारहुंखाआ होनायनि जाउनाव गोबां दावसिन-दावलाफोरनिबो जिउ गोमायो। गोखौं बारहुंखा बारनायनिफ्रायनो सालवारि ओन्सोल नाडैनो मोब्लिब सिबिथाया बन्द जायो।

## सालवारि फरायसालिमा-खोला खारिजा बिजनी गोजौ फरायसालियाव फरायसा सान फालिदों

थाखाय राइज्यो नाडैनो फरायसा सान फालिनाय जायो। फरायसा साननि लोब्बायै सालवारि फरायसालिमायावबो फुंबिलिनिफ्रायनो बायदि हाबाफारि खुंनय जायो। फुंनि 9 रिगायाव फरायसालिमानि गोरायुं जगत चन्द्र बसुमतरिआ फरायसालिमानि फिर्फिला बिहोन्नानै हाबाफारिखौ बेखेवनानै होयो। हाबाफारि बादिथै फुंनि 9.30 रिगायाव बड'फा उपेन्द्र नाथ ब्रह्मनि मुसुखायाव आलारि बाथि फोजौनानै बिबार बाउजेनो सालवारि बिबाबनि टिसिएलसिसिनि मासिगिरि बिनद मुसाहारीआ। आलारि बाथि फोजौनाय आरो बिबार बाउजेनानै दिनेनि सानखौ राइज्यो सरकार बड'फा उपेन्द्र नाथ ब्रह्मखौ गोसोखानानै फरायसा सान फालिदों बिथोन बिथोन थिआयनि थाखाय गिबि मन्थि हिमन्त बिश्व शर्मानिसिम साबायख'र जासिहरो फालिदों मुसाहारीआ। बिनद मुसाहारीआ बुडेदि, दिनेनि साननि थाखाय एबसुआ गोलाव समनिफ्रायनो सोमावसारबोदोंमोन। एबसुनि सिमांखौ राइज्यो सरकार मोकथां महर होबाय। दिनेनि जर'खा सानाव बड'फा उपेन्द्र नाथ ब्रह्मनि मुसुखायाव बिबार बाउनानै गोजोनाय मोन्दों होना फोरमायनानै बड'फानि आदर्शआ भारत हादत नाडैनो गोसारगोन। गोदान जोलैआ बड'फानि आदर्शजौं थुत्तुंगाखानानै गंसे गोगो समाज दाफुंजगोन होन्नानै बिनद मुसाहारीआ मिर्जिथिनाय फोरमायो। फुंनि 10 रिगायाव गोजोनि थाखाय पालसिगुरि माइनावथि बाथौ आर'ज हाज्याया बाथौ आर'ज गाबो। 11 रिगायाव थुनलाइ बादायलायनाय हाबाफारिखौ बेखेवनानै होयो फरायसालिमानि लोगो गोरायुं दुलेन चन्द्र बसुमतरिआ। 11.30 रिगायाव बड'फा उपेन्द्र नाथ ब्रह्मनि जिउ जारिमिनि सायाव सावराय मेल खुंनय जायो। बे सावराय मेलाव फरायसालिनि फरायसाफोरबो बाहागो लायो। बे हाबाफारियाव बाहागो लानानै गहाइ मन्थि नरेन्द्र मदि, राइज्योनि गिबि मन्थि हिमन्त बिश्व शर्मा आरो बिटिसिनि गहाइ मावफुं सोद्रोमा प्रमद बर'निमिम साबायख'र जासिहरो सालवारि फरायसालिमानि गोरायुं जगत चन्द्र बसुमतरिआ। बे हाबाफारिनि उनाव साबायख'र बाउवो इंगजी बिफाननि लोगो प्रफेसार हेमन्त बर'आ। गुबुन फासैथि, बाक्सा जिल्ला एबसुनि बान्जानाययाव खारिजा बिजनीआव सानसेनि हाबाफारिजौं फरायसा सान फालिनाय जायो। खोला खारिजा बिजनी गोजौ फरायसालियाव गेलेया फोथाराव एबसुनि फिर्फिला बिहोन्नानै, उपेन्द्र नाथ ब्रह्मनि सावगारियाव बिबार बाउनाय आरो मोनसे सावराय हाबाफारि खुंनय जायो। सावराय मेलाव बाक्सा जिल्ला एबसुनि आफादगिरि उमेश दैमारीजौं लोगोसे एबसुनि बिबानगिरि, फरायसा आरो ओन्सोलनि राइजो-राजाफोरा बाहागो लायो। मख'नो गोनांदि, राइज्यो सरकारआ फोसावनय बादिथै गिबि खेबनि थाखाय बड'फानि उपेन्द्र नाथ ब्रह्मनि जोनोम सानखौ फालिनाय जायो।

## समाज सिबियारि सुमित कुमार बर'आ राइजो-राजाफोरनि थाखाय बाखनायथाव खामानि ...

सुबानि राइजो-राजाफोरनि बान्जानाय खामानि मावनानै होनायखौ नुनो मोनदों। मख' जाथावदि, पैलेलि सुबानि गेजेरजौं थानगुरिनिफ्राय धमधमासिम फोनांजाब लामानि पैलेलि सुबायाव गंसे दालांखौ समाज सिबियारि सुमित कुमार बर'आ राइजोफोरनि खावलायनाय बायदि गावनि रं खरसा खालामनानै फोसावन होनायखौ नुनो मोनो। बे राइजोखौ लानानै पैलेलि सुबानि राइजो-राजाफोरा फोरमायनाय बायदिबला, थानाय बि पि एफनि सरकार सालायनाय समाव लुफुंनानै होदोंमोनब्लाबो नाथाय नांगोबादि लुफुंजोबनानै होथेनि जाहोनाव एसे दैजौनो बायफिनलाडो। बेखौनो लानानै दिने पैलेलि गामिनि राइजो-राजाफोरा दुखुजौं फोरमायनानै बुडेदि, राजखात्थि दैदेनगिरिफोरा जेब्ला बिसायख'थि फैन्यो होनब्ला'पो राइजोफोरनि सेराव फैनानै खौरां लायो, नाथाय बिसायख'थियाव देरहालांखानायनि उनाव रावबो राजखात्थि दैदेनगिरिफोरनो राइजोनि जेनाखौ खोनासंनो फैन्या होन्नानै अजद होनायखौबो नुनो मोनो। लोगोसे बिथामोना बे जेनाखौ लानानै मन्थि, एम एल ए, एम सि एल ए फोरनि सेराव गले-गले थांब्लाबो रावबो राजखात्थि दैदेनगिरिफोरा गोसो होया होन्नानैबो अजद दैखानायखौ नुनो मोनो। जोबथियाव जेथिबो राहा गोथे जानानै पैलेलि सुबानि राइजो-राजाफोरा पुब थानगुरि गामिनि गोखौं

# रणबिर कापुरआ गावनि उन्दै समनि मारवासे गोसोरवांथिफोरखौ फोरमायदो

स्टेन - आ प कमिडियन कपिल शर्माआ फिन खेबसेबाव गावनि स्व 'दि ग्रेट इन्डियन कपिल स्व' खौ बयखौबो मिनहोनो थाखाय लानानै फैंफिनबाय। बबेखानि बे खेबाव बिथानि स्व'खौ टिभिनि सोलायै अटिटिआव रिलिज खालामनाय जादों। बे स्व'नि गिबि एपिसडआव नितु कापुर, रिध्दमा कापुर शाहनि आरो रणबिर कापुरआ आलासि महरै बाहागो लादोंमोन। बे स्टाफोरजों लोगोसे कपिल शर्मा आरो सुनिल ग्रभाखौ जयै नूनानै अन्सायगिरिफोरा गोजोन्याय मोन्दों। स्व'आव रणबिर कापुरआ गावनि गोबां गुमुरफोरखौबो फोरमायदोंमोन। बिथाड बुदोंदि, बिथानि बिफा



रुंसारि ऋषि कापुरआ बिथानि मोनसे आखुनि थाखाय बिथान्खौ बुदोंमोन। सरासनसायै बिफाफोरा गावसोरनि गथ'फोरखौ अन्सायजों लोगोसे राययोबो। नाथाय जेब्ला सासे सेलिब्रिटीआ गावनि फिसाज्जलाखौ बुनायनि बाथा

फैयो अब्ला अन्सायगिरिफोरा बेनि सोमोन्दै मिथिनो थाखाय जोबोद गोसो गुदुं जायो। कपिल शर्मानि स्व'आव रणबिर कापुरआ गावनि बिफा ऋषि कापुरखौ गोसो खानानै रणबिर कापुरआ बुदोंदि, "आं आंनि बिफाजों खेबसेल' गोबाँरे बुजादोंमोन।

जायनि जाहोना बेनोमोनदि, सानसेखालि दिवालीनि समाव आरके स्टुडियआव दिवालीनि फालिथाइखौ खुनाय जादोंमोन। आंनि बिफाया सासे धोरमारि सुबुंमोन। बै समाव आं 8 एबा 9 बोसोर बैसोनिमोन। बे समाव आं सेन्देल गानानै थानसालि सिडाव हाबदोंमोन। अब्ला

आंनि बिफाया आंखौ बुदोंमोन।" रणबिर कापुरआ बेखौबो फोरमायदोंदि, बिथाड उन्दै समाव रिध्दमा कापुर शाहनीखौ गोबां बुयोमोन। रणबिर कापुरआ बुंबावदोंदि, "आं आथिखालाव दुखु मोनो, नाथाय आं उन्दै समाव बिथान्जोखौ गोबां बुदोंमोन। बेनि उनाव नितु कापुरआ फोरमायदोंदि, "जेब्लानो बिथान्जोआ बाइजोआव थाडोमोन अब्ला बिथान्जोआ रणबिर कापुरखौ गावनि फिसाजो रिध्दमा कापुर शाहनीखौ दाबु होन्ना बुंलाडोमोन।" बेनि उनाव रणबिर कापुरआ फोरमायदो, बुलायनायनि उनाव रिध्दमा कापुर शाहनीआ गाबोमोन आरो आइनो गासैबो बाथाखौ खोन्थायोमोन।

# गाहाम देहानि राहा

थाइजौ गोथां जानायनि मुलाम्फाफोरखौ नोंथाड मिथिना ला

एप्रिल दानआव थाइजौ गोथां फिथाइफोरखौ मोन्नाय जायो। थाइजौ गोथांआ देहानि थाखाय जोबोद मुलाम्फा गोनां। थाइजौ गोथांआव गोबां बिबानि भिटांमिन ए, भिटांमिन सि, भिटांमिन इ, केल्सियाम, आयरन, फाइबर, मेग्नेसियाम आरो फस्फरस मोन्नाय जायो। थाइजौ गोथां जायोब्ला गोलोम बोथोराव दुंखावनायनिफ्राय रैखा मोन्नो हायो आरो होबथानो हानाय गोहोखौ बाहोनायाव हेफाजाब होयो। बेनिखायनो थाइजौ गोथांखौ जायोब्ला नोंथाडा मा मा मुलाम्फा मोन्नो हायो बेखौ मिथिनानै लानाया गोनांथार।



गोहोखौ बांहोयो:- थाइजौ गोथांआव भिटांमिन सि मोन्नाय जायो। बेयो इम्युन सिस्टेमखौ गोत्रों खालामो आरो देहाखौ बेरामफोरनिफ्राय गोजानाव लाखियो। (2) डाइजेसनखौ साबसिन खालामो:- थाइजौ गोथांआव गोबां बिबानि फाइबर थायो। थाइजौ गोथांआव थानाय पल्पआ

गोस्त्र प्रटेक्टिभआ एसिडिटीनि जेंनाखौ बाडाइ खालामो। थाइजौ गोथां जायोब्ला गोस्त्रिकनिफ्राय रैखा मोन्नो हायो। (3) बेगंफोरखौ गोत्रों खालामो:- थाइजौ गोथांआव केल्सियाम मोन्नाय जायो। जायनि जाहोनाव बेगंफोरा गोत्रों जायो।

## मोनसे शुटिनि समाव मिना कुमारीखौ 21 खेब सोबानाय जादोंमोन



ट्रेजेडि कुइन मुडै मिथि जानाय मिना कुमारीआ फैं सालियाव गुबुन गुबुन रोखोमनि आखुफोर फाव खालामदोंमोन। बलराज शाहनीजों लिर जानाय 'मेरी फिल्मी आत्मा कता' बिजाब फावखुंगुर आरो दिहुनगिरि आनवार हुसेइनजों फोरमाय जानाय मोनसे गोब्राब सल'नि बागै मख'नाय दड; जेराव मिना कुमारीआ गोबां लाजिनादोंमोन। बिथानि बादिब्ला, सासे मुंदांखा

दिहुनगिरि-दिथागिरिआ मिना कुमारीखौ गावनि सावथुननि थाखाय साइन खालामदोंमोन। शुटिनि गिबि सानावनो सानजौफुनि आदार जानायनि समाव दिहुनगिरि-दिथागिरिआ टेबोलनि गाहायजों गावनि आथिंखौ मिना कुमारीनि आथिनि सायाव हर्दोंमोन। बे समाव मिना कुमारीआ लाजिनाय मोन्दोंमोन आरो दिहुनगिरि-दिथागिरिखौ साइटआव लानानै बिथान्खौ

मोजां आखु दिन्थिनो थाखाय खावलायदोंमोन। बेनि उनाव खिथेर लानो थाखाय दिहुनगिरि-दिथागिरिआ सावथुनाव मोनसे सिन लिरदोंमोन, जेराव फावखुंगुरआ फावखुंगुरिखौ गोबाँरे सोबायो। बे सिननि थाखाय 21 खेब रिटेक लानाय जादोंमोन। फावखुंगुरआ मोजाडै नो मिथिगोमोनदि, मिना कुमारीखौ मानो सोबा होनाय जादों। थेबब्लाबो, बिथाडा फावखुंगुरिखौ 21 खेब सोबादोंमोन, नाथाय मिना कुमारीआ 'उप'बो होनाखैमोन। आथिखालाव मिना कुमारीआ जिउनि गेजेराव गैलिया।

## प्रियंका चप्राखौ गावनि फिसाइ आरो फिसाजो जों लोगोसे मोनसे बिरखं गाथोनाव नुनो मोन्दों



आयथ्या राम मन्दिराव दर्शन खालामहैनाय, नख'रजों लोगोसे हलि फालिनाय आरो मनारा चप्रा नि जोनोम साननि पाटियाव बाहागो लाहैनायनि थाखाय

प्रियंका चप्राया गोबां सावथुनजादोंमोन। आथिखालाव फावखुंगुरिआ आमेरिकायाव थांफिनबाय। 30 मार्चनि मोनायाव, प्रियंका चप्राखौ गावनि फिसाय निक जनाज आरो फिसाजो मालटि मेरी चप्रा जनाजजों लोगोसे मुम्बाइ बिरखं

गाथोनाव नुनो मोन्दों। बे समाव फावखुंगुरिखौ गावनि फिसाजोखौ बामना लानाय नुनो मोन्दों। बे समावनो फावखुंगुरि फिसाय निक जनाजखौ गावनि फिसाजोनि गेलेग्रा पुथुलाखौ आखायाव लानाय आरो गोदोनायाव मोनसे बेग लानानै

गावनि बिसि प्रियंका चप्राखौ जोथोन लानाय नुनो मोन्दों। प्रियंका चप्राया मोनसे बेज गावनि कट सेट गादोंमोन आरो गावनि खानायखौ हसरानायजों लोगोसे गंसे शरमाबो गादोंमोन। बेरफार्सिथि निक जनाजआ गोथां आरो गोसोम गावनि टि-सार्ट गादोंमोन। माल्टि मेरी चप्रा जनाजखौ गांसे प्रिन्टेड कसाबाव नुनो मोन्नाय जादों। बिरखं गाथोननिफ्राय प्रियंका चप्रा आरो निक जनाजनि बे भिडिअआ सशेल मिडियाआव सोराडव फेदों। सुबुंफोरा बिसोरनि केमेस्ट्रिखौ जोबोद मोजां मोन्दों। सुबुंफोरा निक जनाजनि आखुखौबो मोजां मोनो। सासे बाहायगिरिआ बिथानो बेस्ट हासबेन्डनि टेग होदों।

## राजकुमार रवआ गावनि फैनो गोनां सावथुननि बागै आपडेट होदों



बलिउडनि फावखुंगुर राजकुमार रवआ आथिखालाव गावनि फैनो गोनां 'श्रि' सावथुनखौ लानानै सावथुनजागसिनो दड। बे सावथुना सासे मुंदांखा फालांगिरि श्रिकान्त बल्लानि बाय'पिक। बे सावथुनाव राजकुमार रवआ श्रिकान्त बल्लानि फाव खालामगोन। टि-सिरिजआ बे सावथुनखौ दिहुनगासिनो दड। बावैसो बे सावथुननि सल'नि बागै मोनसे गिदिर आपडेटआ सोराडव फेदों। बेखौ फोरमायनाय जादोंदि, बे सावथुननि टाइटेल् आरो रिलजनि अक्ट'खौ सोलायनाय जादों। बावैसो सिगां राजकुमार रवआ मोनसे पस्टनि गेजेरजों गावनि फैनो गोनां सावथुननि गोदान टाइटेल् आरो रिलजनि अक्ट'खौ फोसावदों। राजकुमार रवआ गावनि पस्टआव लिरदोंदि, सावथुननि टाइटेल्खौ श्रि दोन्नाय जादों आरो सावथुनखौ 10 मे 2024 खालि रिलिज खालामनाय जागोन, थामहिन्बा अक्षय तृतीयानि फालिथाइयाव रिलिज खालामनाय जागोन। बे पस्टखौ शेयार खालामनानै राजकुमार रवआ केष्पनाव लिरदोंदि, 'आं बयनिबो मेगनखौ खेवनो फेगासिनो।' मिथिहोनाय जायोदि, राजकुमार रवआ बे सावथुनखौ लानानै जोबोद गोसो गुदुं। बिथाडा बे सावथुननि थाखाय गोब्राबे खामानि मावगासिनो दड। बे सावथुनाव श्रिकान्त बल्लानि जिउनि जुजिनय आरो जाफुंसरनायखौ दिन्थिनय जादों। बेबादि थासायाव 'श्रि' सावथुनखौ अन्सायगिरिफोरा गोसो गुदुं नैगासिनो दड। फावखुंगुरि ज्यतिखाखौ राजकुमार रवजों लोगोसे बे सावथुनाव गाहाइ फाव खालामनाय नुनो मोन्दों। ज्यतिखाखौ बावैसो सिगां शेतान सावथुनाव अजय देभगानजों लोगोसे गाहाइ फाव खालामनाय नुनो मोन्दोंमोन। बेनि अनगायैबो अलाया एफ आरो सरड केलखरखौबो 'श्रि' सावथुनाव फाव खालामनाय नुनो मोनगोन।

बलिउडनि फावखुंगुर सुनिल शेट्टिआ आथिखालाव 'डान्स दिवाने सिजन 4' रियेलिटी स्व'आव जास महरै दड। आथिखालाव बे स्व'निफ्राय सुनिल शेट्टिनि मोनसे भिडिअआ सोराडव फेदों, जेराव बिथाडा भारती सिंहजों बिबो जानायनि सोमोन्दै रायज्जलायनायखौ नुनो मोन्दों। गुबैयै बावैसो सिगां डान्स दिवाने स्व'नि फैनो गोनां एपिसडनि प्रम'आ सोराडव फेदों। बे प्रम' भिडिअआव स्व'नि हस्ट भारती सिंहखौ सुनिल शेट्टिजों रायज्जलायनाय नुनो मोन्दों। बे समाव भारती सिंहआ सुनिल शेट्टिखौ बुदोंदि, सुनिल सार, नोंथानि फिसाजोहा गथ'गथाय मोनोब्ला नोंथाड बिबो जागोन। बेनि फिन्नाय होनानै सुनिल शेट्टिआ बुडोदि, फैगोन सिजनाव जेब्ला आं फैगोन अब्ला आं सासे बोराय बायदि स्टेजयाव

## सुनिल शेट्टिनि मोनसे भिडिअआ सशेल मिडियाआव भाइरेल जागासिनो

बलिउडनि फावखुंगुर सुनिल शेट्टिआ आथिखालाव 'डान्स दिवाने सिजन 4' रियेलिटी स्व'आव जास महरै दड। आथिखालाव बे स्व'निफ्राय सुनिल शेट्टिनि मोनसे भिडिअआ सोराडव फेदों, जेराव बिथाडा भारती सिंहजों बिबो जानायनि सोमोन्दै रायज्जलायनायखौ नुनो मोन्दों। गुबैयै बावैसो सिगां डान्स दिवाने स्व'नि फैनो गोनां एपिसडनि प्रम'आ सोराडव फेदों। बे प्रम' भिडिअआव स्व'नि हस्ट भारती सिंहखौ सुनिल शेट्टिजों रायज्जलायनाय नुनो मोन्दों। बे समाव भारती सिंहआ सुनिल शेट्टिखौ बुदोंदि, सुनिल सार, नोंथानि फिसाजोहा गथ'गथाय मोनोब्ला नोंथाड बिबो जागोन। बेनि फिन्नाय होनानै सुनिल शेट्टिआ बुडोदि, फैगोन सिजनाव जेब्ला आं फैगोन अब्ला आं सासे बोराय बायदि स्टेजयाव



थाबायनांगौ जागोन। बेनि उनाव भारती सिंहआ फेस्ला खालामनानै बुडोदि, बिबो जाखानायनि उनाव नोंथाड गनानै थाबायनांगोन। नोंथानि हाथाइयाबो थाइसे एबा थाइनै गनो हागौ। बेफोर गासैखौबो खोनानानै माधुरी दीक्षितआ मिनिनो हमो। सुनिल शेट्टिनि बे बिबुंथिनय आथिखालाव सशेल मिडियाआव भाइरेल जागासिनो दड। बे बिबुंथिनि उनाव अन्सायगिरिफोर अनुमान

खालामगसिनो दडदि, आटिया शेट्टि आरो केएल राहुलआ थाबैनो बिमा-बिफा जानो थांगासिनो दड। मिथिहोनाय जायोदि, आटिया शेट्टिआ 23 जानुवारीयाव केएल राहुलजों जुलि जादोंमोन। सुनिल शेट्टिनि फिसाजोनि जुलिया बिथान्जोनि कन्डाला बांगलायाव जादोंमोन। आटिया सेट्टिखौ जोबथा खेब 2019 माइथायाव 'मोतीचुर चकनाचुर' सावथुनाव नुनो मोन्नाय जादों।

## मनिका पानवारआ मारवासे बाथा फोरमायदो

मनिका पानवारआ 'जामतार-सबका नम्बर आएगा' वेब सिरीजनि थाखाय मुंदांखा जादोंमोन। आथिखालाव बिथान्जोखौ 'दुकान' सावथुनाव नुनो मोनगोन। बे सावथुना सिनेमाहलफोराव 5 एप्रिलाव रिलिज जागोन। मनिका पानवारआ प्रियंका सिंहजों रायज्जलायनायाव माखासे बाथा फोरमायदों। मनिका पानवारआ बुदोंदि, बे सावथुननि बानायगिरिफोरा आंनि वेब स्व'खौ नायदोंमोन। बेनि उनाव बिथान्मोना आंखौ अडिशन लादोंमोन। गोबां फावखुंगुरफोरा जेब्ला अडिशन होनांगौ जायो अब्ला बिथान्मोना बिसोरनि रोंगौथिनि सायाव सोंथि सोंजानाय बादि मोन्ना गाज्जि मोनो। नाथाय साफ्रोमबो




सावथुन दिहुनगिरिफोरा गावबा गाव मोनसे बिखान्थि थायो, जायखौ आर्टिस्टफोरा मान होनो नांगौ। प्रस्टेटिक मेक-आपआ जोबोद गोब्राबमोन। बे सावथुनाव आं फाव खालामनाय आखुनि थाखाय गुजराती रवखौ हम्दांनो हानायाबो गोरलै नडामोन। बेनि थाखाय आं गुजरातनि गामिफोराव गोबां सम

हगारदोंमोन आरो जायगाणि सुबुंफोरजों रायज्जलायदोंमोन। बे सावथुननि दिथागिरिआ बिमा-फिसानि सोमोन्दोखौ इउनिक दिन्थिनो लुबैदोंमोन। आं सानोदि, बेबादि आयदागोनां सावथुनफोरा सिनेमाहलफोराव फैंनांगौ। बेफोरबादि सावथुनफोरा सुबुंफोरनि नोजोरिथिखौ सोलायो।

## रणदीप हुड्डाआ स्वतन्त्र भिर साबारकर सावथुननि थाखाय रांखान्थियारि आंखालजों मोगा-मोगि जानो गोनां जादोंमोन

रणदीप हुड्डा स्टावर स्वतन्त्र भिर साबारकर सावथुना सिनेमाहलफोराव रिलिज जाबाय। बे सावथुनाव बिथानि फाव खालामनायखौ नायगिरिफोरा बाख्नायदों। रणदीप हुड्डाया 'स्वतन्त्र भिर साबारकर' सावथुनाव फाव खालामनायजों लोगोसे बिथाड बे सावथुनखौ दिथाबो होदों आरो दिहुनदोंमोन। बे सावथुनखौ बानायनो थाखाय गोबां बोसोर नादों आरो बे

समाव फावखुंगुरआ रांखान्थियारि आंखालजों लोगोसे गोबां जेंनाफोरजों मोगा-मोगि जानादोंमोन। नाथाय बिथाड सावथुन बानायनायखौ नागराखैमोन आरो सावथुनखौ बानायफुंजोबदोंमोन। बावैसो सिगां रणदीप हुड्डाया फोरमायदोंदि, बिथाडा बे सावथुनखौ थानाय बोसोरनि 26 जानुवारी एबा 15 आगस्टआव रिलिज खालामनो लुबैदोंमोन, नाथाय बिथाडा बेबादि



खालामनो हायाखैमोन। बिथान्खौ रवबो मदतबो खालामाखैमोन। फावखुंगुरआ फोरमायदोंदि, सावथुन बानायनाय समाव गोबां रनि गोनांथि जायो आरो स्वतन्त्र भिर साबारकर सावथुनावबो बेबादिनो गोबां रनि गोनांथि जादोंमोन। बेनि फिथाइ महरै फावखुंगुरआ रांखान्थियारि आंखालजों मोगा-मोगि जानो गोनां जादोंमोन। बिथाडा फोरमायदोंदि, साबारकरनि फावनि थाखाय रणदीप हुड्डा

देहायारि सोलायनाया सोमोनांथाव। बे सावथुननि थाखाय फावखुंगुरआ गावनि लिरथाइखौ 60 किल 'ग्राम खमायदोंमोन। रणदीप हुड्डाया बेखौबो फोरमायदोंदि, बिथाड जेबो जाग्रा आदार जायाजासे सावथुनखौ दिथा होनायनि जाहोनाव जोबोद लोरबां जादोंमोन। बिथाडा लोरबां जानायनि जाहोनाव सेटआव गोबां खेब हुसगैयै जादोंमोन।

# सरकारआ रांखांथियारि बोसोर-24 माइथायाव अनुमाननिफ्राय बांसिन 63,000 कौटि मुलाम्फा मोनदों

गोदान दिल्ली, 31 मार्च: मिरु सरकारआ सोलिफु रांखांथियारि बोसोर 2023-24 माइथायाव राइज्योआरि खोन्दोनि मावख'फोरनिफ्राय (राइज्योआरि मावथांखिफोर) फ्राय 63,000 कौटि रां बाहागोआरि मुलाम्फा मोनदों। बेयो सोदानाया रांबावजानि अनुमान खालामनायनिफ्राय 26 जौखोन्दो बांसिन। कल इन्डिया, अपनजिसि, पावारग्रिड आरो गेल बायदि मिरुआरि मावफसंथानफोरनिफ्राय मोजां मुलाम्फानि थाखाय गासै मोनदांथिया बांदों। 1 फेब्रुआरीआव होनाय रांबावजायाव 2023-24 माइथायनि थाखाय मिरुआरि फसंथानफोरनिफ्राय मुलाम्फा मोननायनि सोदानाया अनुमान 50,000 कौटि रांमोन। रां थिसन्नाय आरो राइज्योआरि धोन सामलायथि बिफान




(दीपम)नि वेवसाइटाव थानाय खारिथिनि बायदिब्ला, 31 मार्च 2024 माइथायाव जोबनाय रांखांथियारि बोसोरनि थाखाय गुबे मुलाम्फा मोननाया 26 जौखोन्दोसो बांनानै 62,929.27 कौटि रां जाहेंदों। सरकारआ मार्चआव अपनजिसि (2,964 कौटि रां), कल इन्डिया (2,043 कौटि रां), पावार ग्रिड करपरेशन अफ

इन्डिया (2,149 कौटि रां), एनएमडीसी (1,024 कौटि रां), एइएसएएल (1,054 कौटि) आरो गेल (1,863 कौटि रां) निफ्राय मोजां मुलाम्फा बाहागो मोनदों। थानाय रांखांथियारि बोसोराव (2022-23) मुलाम्फा मोननाया 59,952.84 कौटि रांमोन। गोजौ मुलाम्फाया रांखांथियारि बोसोर 2023-24

माइथायनि समाव मिरुआरि मावथांखिफोरनि गोखों राखरि दिन्थिफुनायखों दिन्थियो। खुस्त्रा आरो फसंथानारि बाहागोआरिफोराबो राइज्योआरि खोन्दोनि मावख'फोरनि रां होनायनिफ्राय मुलाम्फा जादों। बेयो राइज्योआरि कम्पनीफोरनि बाहागोफोराव रां थिसनगरिफोरनि गोसो जानायखों बांहोगोन होना मिजिं

थिनाय जादों। दीपमनि केपिटेल रिस्ट्रक्सारि गाइडलाइन्सनि बायदिब्ला, जाय सिपिएसइफोरनाव फालांगियारि थांखिनि थाखाय गावसोरनि फुन्जिखों साबसिन खालामनो बिथांखि गैया बिसोर मोनो हानाय उफ्रा रांनि सायाव जिड राहायारि नोजोर लाखिनांगो। बांद्राय नोगोद रां थानाय राइज्योआरि मावथांखिफोरा मुलाम्फा बाहागो होनांगोन। बेयो रां थिसनगरिफोरखों सोमोन्दो थानाय कम्पनीफोरनि बाहागोआव सुद लाखिनायाव मदत होगोन। मिरुआरि मावफसंथानफोर, बेंक आरो बीमा कम्पनीफोरनि जथाय एम-केपआ थानाय 3 बोसोराव 500 जौखोन्दोनि बांसिन बांनानै 58 लाख कौटि रां जाबाय। बेजों लोकोसे, सरकारनि इकुइटी बाहागोआ जानुवारि 2021 माइथायाव 9.5 लाख कौटि रांनिफ्राय 4 गुन बांनानै 38 लाख कौटि रां जाबाय।

गोदान दिल्ली, 31 मार्च: बयनिनु इबो धोनिसिन भारतयारि मुकेश आम्बानीआ बुंदोंदि, उद्यग मुलुगआव मोनसे गोखों आरो बांसिन समानथियारि भारत दानायनि बिबान दड। रिलाइन्स इन्डास्ट्रीजनि सियारमेन आरो सामलायगिरि रत्न आरो गहेना दैथायहरनाय सामलायग्रा परिषदआ बेयाव खुंफुनाय मोनसे हाबाफरिआव बिबुंथि लाखिनाये फोथायथि होदोंदि, उद्यग मुलुगआ माखासे बोसोरफोराव 100 आरब डलारनि इम्फर्ट थाखोसिम सौहैनायनि गावनि थांखिसिम सौहैगोन। बिथाड बुंवावदों, फालांगियारि फोलेर महराव जों बयनिबो हान्जाये बिबान दडदि, जों मोनसे गोखों, साबसिन आरो बांसिन समांथियारि भारत दानांगोन, जाहाथे गाहाइ मन्थिआ फैगो 10 बोसोराव जौनि थाखाय मोनसे जौगाखां भारत, आबुं जौगाखां हादर दाफुनायनि



थांखि लानायखों आबुं मोनसे गिदिर खालामनो हायो। मख'जाथावदि, आम्बानीआ थानाय माखासे बोसोरफोराव एस्कपर्टखों 40 आरब डलारसिम सौहैहोने आरो हादरआव 50 लाखनि बांसिन साखि ओंखारहोने थाखाय रत्न आरो हिरा उद्यगनो हामबलायथि होदों। आम्बानीआ बुंवावदोंदि, पालनपुरनि सुबुंफोरनि दैदेन्नायाव मोनसे फिसा जागायनायजों दिने उद्यगआ

## हादरगिरि द्रौपदी मुर्मुआ लालकृष्ण आडभाणीनो भारत रत्न बान्था गथायबाय



गोदान दिल्ली, 31 मार्च: भारतीय जनता पार्टीनि गागि दैदेनगिरि लालकृष्ण आडभाणीखों रबिबाराव भारत रत्न बान्थाजों मान होनाय जादों। आडभाणीआ बे सन्मानखों हादरगिरि द्रौपदी मुर्मुनिफ्राय मोन्दों। बे समाव गाहाइ मन्थि नरेन्द्र मदिखों लालकृष्ण आडभाणीनि साखाथियाव जिरायनाय नुनो मोन्दों। बेनि सिगां नख'र मन्थि अमित शाहया लालकृष्ण आडभाणीनि

न'आव सौहैदों। अमित शाहनि अनगायैबो रैखाथि मन्थि राजनाथ सिंह, भारतीय जनता पार्टीनि हायुडरि आफादगिरि जेपी नडुयाबो आडभाणीनि न'आव सौहैदों। एमएस स्वामीनाथन, लालकृष्ण आडभाणी, कर्पूरी ठाकुर, नरासिम्हा राव आरो चौधुरी चरण सिंहजों बे बोसोराव भारत रत्न बान्था होनाय जागोन। हादरगिरि द्रौपदी मुर्मुआ शनिबारखालि राष्ट्रपति भवनआव खुंजानाय मोनसे

फोबोंआव बारग' गाहाइ मन्थि पिथि नरासिम्हा राव आरो चौधुरी चरण सिंह, आबाद मन्थि एम एस स्वामीनाथन आरो खनै बिहारनि गिबि मन्थि जानो हानाय कर्पूरी ठाकुरखों हादरनि जौसिन नोगोरारि बान्था भारत रत्न बान्थाजों मान बावदों। राव, सिंह, ठाकुर आरो स्वामीनाथननो होनाय बान्थाफोरखों बिसोरनि नख'रनि सोद्रोमाफोरा नाजावदोंमोन। बे सन्मानखों

मुर्मुनिफ्राय बिथानि फिसान्ला पीथि प्रभाकर रावआ नाजावदों। राष्ट्रीय लक दल (आरएलडी) नि आफादगिरि जयन्त चौधुरीआ हादरगिरिनिफ्राय बान्थाखों नाजावदों। स्वामीनाथननि फिसाजो नित्या रावआ कर्पूरी ठाकुरनि जानानै आफादगिरि मुर्मु आरो बिथानि फिसान्ला रामनाथ ठाकुरनि जानानै कर्पूरी ठाकुरनि जानानै बान्थाखों आजावदों। लेडाइ हादरगिरि जगदीप धनखड, गाहाइ मन्थि नरेन्द्र मदि आरो गुबुन गेदेमा सुबुंफोरा बे हाबाफारियाव दंमोन। राव, सिंह, ठाकुर आरो स्वामीनाथननि अनगायैबो, सरकारा सोलिफु बोसोरनि जागायजेन्नायाव बिजेपिनि रेंग'थि गोनां आरो बारग'लेडाइ गाहाइ मन्थि लालकृष्ण आडभाणीनो भारत रत्न बान्था फोसावदोंमोन। शनिबाराव समाजवादी पार्टीनि दैदेनगिरि शिवपाल यादवआबो मुलायमसिंह यादवनो भारत रत्न होनांगोन होना दाबि खालामदों।

## रिलायेन्स इन्डास्ट्रीजआ थानाय 10 बोसोराव गावसोरनि फालांगियाव 125 बिलियन डलार रां थिसनदों

गोदान दिल्ली, 31 मार्च: रिलायेन्स इन्डास्ट्रीज लिमिटेडया बायदि रोखोमनि फालांगिफोर दं। बे इन्डास्ट्रीजआ थानाय 10 बोसोराव 125 बिलियन आमेरिकन डलारनि बांसिन रां थिसनदों। कम्पनीया बे रां थिसननायनि गेजेरजों हायद्रकार्बन आरो टेलिकम फालांगिखों गुवारि फेहेरदों। मोनसे रिपर्टआ बेखों बुडे। बेयाव आसा खालामदोंदि, फैगो 3 बोसोराव हानजानि रां थिसननाया खुस्त्रा आरो गोदान गोहो सेक्टरफोराव रुजुनायाव एसेल'गुदि खरसाजों जागोन। रिपर्टनि बायदिब्ला, रिलायेन्सआ मोनसे गोलाव आरो गोखों केपेक्स साइकेल (हाइड्रकार्बन आरो टेलिकम) निफ्राय ओंखारबोगासिनो दं। राडरि सिबिथाय कम्पनी गल्डमेन सैक्सआ मोनसे फोरमायथियाव बुंदोंदि, कम्पनीया अ'2सी (रिफाइनारी



आरो पेट्र'केमिकेल कम्प्लेक्स) फालांगिनि स्केल, खौसेथि आरो खरसा बादायलायनायखों बांहोने थाखाय राडरि 2013 आरो 2018 माइथायनि गेजेराव 30 बिलियन डलारसो रां थिसनदों। बेयो टेलिकम सेक्टराव गोजौ जौगाहोने थाखाय रांखांथियारि बोसोर 2013-24 माइथायनि गेजेराव 4जी/5जी गोहोआव 60 बिलियन डलार रां थिसनदोंमोन। गासै हादराव 5जि खौ बाहायनाय जागोन होना सान्नाय जादों आरो बेजों लोकोसे टेलिकमनि बेसेनाबो

बांनो हागौ। बेयो टेलिकम फालांगिखों कम्पनीनि अ'2सीजों नोगोद रांनि बोहैथिनि मोनसे गाहाय फुंखा बानायगोन होना मिजिं थिनाय जादों। रिपर्टआव बुंदोंदि, जों फोथायोदि, जाय फालांगियाव आरआइएलआ फैगो 3 बोसोराव बांसिन रां थिसनगासिनो दं (खुस्त्रा आरो गोदान गोहो नागिरनाय आरो दिहु-थाय) बेफोर बाडइ गुदि खरसाजों बांसिन मोनफिनाय। लोकोसे बे मावथांखिखों आबुं खालामनोबो खम सम नांगोन। मोनसे रिफाइनारी एवा पेट्र'केमिकेल

प्लान्टआ जागायजेन्नायाव सरासनसाथै बाडइसिनाव 5 बोसोर लायो, जेराव मोनसे सानखराडरि प्लान्ट बानायनो 2 बोसोर आरो खुस्त्रा गला थियारि खालामनो 6-12 दान लायो। बेयाव बुंदोंदि, आरआइएल आ थानाय 10 बोसोराव 125 बिलियन डलारनि बांसिन गुदि रां थिसनदों। बांसिन रां थिसननाया हाइड्रकार्बन आरो टेलिकम सेक्टरावमोन। बेफोर सेक्टरफोरा बांसिन फुन्जि गोनां आरो मावथांखिफोराबो जागायजेन्ने गोबाव सम लायो।

## सान मन'नायनि समाव कानाडानि नियाग्रा ओन्सोलाव लाख-लाख सुबुंफोरा ज' जागोन

अटावा: 31 मार्च: कानाडानि अन्टारिय' राइज्योनि नियाग्रा ओन्सोला सान मन'नायखों नायनो फेनाय सुबुंफोरखों बरायनो थाखाय थियारि जागासिनो दड। बे समाव बेवहाय 10 लाखनि बांसिन दावबायारिफोर फैगोन होना आसा खालामदों। फैगो 8 एप्रिलाव आबुं सान मन'नाय जागोन। नियाग्रा ओन्सोलारि आफादगिरि जिम ब्रेडलीआ मोनसे बिबुंथियाव बुंदोंदि, नियाग्राया बे सोमोनांथाव अख्राडरि जाथायखों नायनो थाखाय बयनिखुइ साबसिन थावनिफोरनि गेजेराव मोनसे आरो लाख-लाख सुबुंफोरा बे ओन्सोलाव सौफेनायनि आसा दं। नियाग्रा दै बाजुमखों 'नेशनेल जिय' ग्राफिक चनेनेलजों सान मन'नायखों नायनो थाखाय बयनिखुइ साबसिन जायगाफोरनि गेजेराव मोनसे मु' होनाय जादों। जिम ब्रेडलीआ बुडेदि,



फैगो 8 एप्रिलाव नियाग्रा दै बाजुमआ गासै बोसोरनि रुजुनायाव सानसेआवनो होंगो-दोंगोसिन जागोन। सांग्राथि महरै 28 मार्चनिफ्राय 8 एप्रिलसिम गोहोम गोग्लेनाय इमारजेन्सि मेनेजमेन्ट एन्ड चिभिल सिक्किउरिटी एक्ट (इएमसिपिए) नि सिडव नियाग्रा ओन्सोलनि थाखाय सांग्राडैइमार्जेन्सि फोसावदों। नियाग्रा ओनसोलनिफ्राय एमारजेन्सि फोसावनाय मोनसे

प्रेस रिजिजआव बुंनाय जादोंदि, बे थिरांथाखों थागिरिफोर आरो दावबायारिफोरनि सावसि आरो रैखाथिनि मोजांनि थाखाय लानाय जादों। नियाग्रा दै बाजुमा मुलुगनि बयनिखुइबो देरसिन दै बाजुम, जाय कानाडा आरो जुथाइ रायजो आमेरिकानि सिमायाव दं। गोबां जायगायारि आरो जायगायारि नडैसुबुंफोरा 8 एप्रिलाव आबुं सान मन'नायखों नायनो

थाखाय दै बाजुमनि सोरगिदिं हटेलफोर बुक खालामगासिनो दं। बे समाव गोब्राव ट्रेफिक जाम, हरखाब सिबिथायनि गोबां दाबि आरो मबाइल फन नेटवार्कनि जेनाफोरजों मोगा-मोगि जानो हागौ। आबुं सान मन'नायखों सा-आमेरिका, मेक्सिक' आरो कानाडायाव नुनो मोनगोन। सुबुंफोरनि असुबिदानिफ्राय बारग'नो थाखाय, 8 एप्रिलसिमाव नियाग्रा ओन्सोलाव माखासे हाबाफारिफोर आरो

सिबिथायफोरखों सोलायनो बिथांखि लानाय जादों। नियाग्रा दै बाजुमनि मेयर जिम देव'रातीआ मार्चनि जागायजेन्नायाव बुंदोंमोनिदि, बिथाड आसा खालामदोंदि, सान मन'नायनि समाव सहराव सानसेआवनो बयनिखुइबो बांसिन दावबायारिफोर फैगोन। कानाडानि थाखाय 1979 माइथायनि उनाव बेयो गिबि आबुं सान मन'नाय। फैगो आबुं सान मन'नाया 2044 माइथायाव जागोन। सान मन'नायनि जाहोनाव कानाडानि दावबायथाय दारिमिना जौगानो हागौ होना सान्नाय जादों। आबुं सान मन'नाया जायो जेब्ला अखाफोरा सान आरो बुहुमनि गेजेराव थाडे, जाय साननि सोर'फोरखों आबुंडे रोखा खालामो। नियाग्रा सहराव माखासे मिनिटनि थाखाय साननि सोर'फोरा आबुंडेहोथेजागोन एवा खोमसि जागोन।

## बाइडेन खुंथाया इजराइलनो फिन मदद हरनो गनायथि होदों

वाशिंग्टन, 31 मार्च: इजराइल आरो हमासनि दावहाया सोलिगासिनो। जेराव गोबां सुबुंफोरनि जिड गोमाबाय। नाथाय बे दावहाखों जोबनायनि लामाथि फेनाय नुनो मोननाय जायाखै। बे समाव इजराइलआ माबा गिदर थांखिनि थियारि कालामदों। दावहाया सोलिबाय थानाय समावनो आमेरिकानिफ्राय हाथियारनि मदद बिहरदों। खोला गाजायाव इजराइलनि सांथियारि गाग्लोबनाया बांबोबाय आरो जिंगानि गेजेराव बाइडेन खुंथाया सिरियै एवा हेंथा होयालासे बम आरो दावहा नांग्रा उरां जाहाजफोरखों इजराइलआव दैथायहरनायनि गनायथि होयो। सुलुनि बादिब्ला, गोदान हाथियार पेकेजआव 1,800 नि बांसिन एमके 84 2,000 पाउन्ड बम आरो 500 एमके 82 500 पाउन्ड बमजों लोकोसे 25 एफ-35 दावहा नांग्रा उरांफोरबो



दंफायो। पेन्टागन आरो गुबुन हादरयारि बिफाननि बिबानगिरिफोरबो बेखों रोखा खालामदों। बेफोर बादि मख'जाथाव हाथियारफोरखों हरनो गनायथि होनायनि थांखिया आमेरिकानि फासै सन्देहनि नोजोरजों नायनो नारसिनो। बेराफासै बाइडेन खुंथाया खोला गाजायाव इजराइलनि गाग्लोबनायनि गोहोमफोरनि सायाव जिंगा फोसमायदोंमोन। बेजों लोकोसेनो आमेरिकाया कन्डिसनि एवा सर्थ

गोनां मदद एवा हाथियार हरनायखों होबथानो थाखाय जेब्लानो बादा खालामबेदों। हवाइट हाउसनि सासे बिबानगिरिआ खुंथायनि आखुथायखों रायखोंनानै बुंदोंदि, इजराइलनि गावखों रैखा खालामनायनि मोन्थायनि थाखाय गावसोर थाद'नाय गैये हेफाजाबखों रोखा कालामदों आरो सर्थ गोनां मदद खालामनाया गावसिनि खांथिनि बाहागो जाबोयाखै।

## 2026 नि फिफा वर्ल्ड कापनि सेमिफाइनलआ आटलान्टा आरो डलास सहरआव खुंजागोन

डलास, 31 मार्च: 2026 नि फिफा वर्ल्ड कापनि सेमिफाइनल मेचखौ आटलान्टा आरो डलासआ बान्जायगोन। जेराव थामथि मासिनि थाखाय जानो गोना मेचआ मियामीआव खुंजागोन। क्वार्टर फाइनल मेचखौ लसएन्जिल्स, केन्सास सिटि, मियामी आरो बस्टनआ बान्जायगोन। दरथाम हादरनि गासै दर 16 सहरफोरगव बे गिदिर इभेन्टिनि मेचफोर खुंफुंजागोन। जेराव बासिन मेचआनो इडएसएआव जागोन। बेनि थाखाय मुलुगनाडारि फुटबल फसंथान फिफाआ सिगांनि समावनो 2026 फिफा वर्ल्ड कापनि फाइनल मेचखौ निउयर्क नि मेटलाइन स्टेडियमआव खुंफुंजागोनखौ रोखा खालामदौं। बे दुर्नामेन्टआ फेगौ 11 जुनखालि मेक्सिक सिटिनि मुंदांखा स्टेडियम एजतेका स्टेडियमआव जागोन आरो 19 जुलाइखालि जाहैगोन। मख'नो गोनादि, निउयर्कआ फाइनल मेच दैदेनो थाखाय डलासजौं सेलेन्ज मोन्दौंमोन। फिफा वर्ल्ड काप 2026 आव गासै मोन 48 हान्जाफोर बाहगो लागोन। जेराव आमेरिका, कानाडा आरो मेक्सिक'आ दुर्नामेन्टखौ बान्जायगोन। फिफानि आफादगिरि जियनी इन्फेन्टि'आ आमेरिकानि गं 16



मुंदांखा स्टेडियमफोरखेब 104 मेचफोरखौ जाफुं सारै खुंफुंनो गावसोरनि थियारिथिखौ फोरमायदौं। एस्टाडिय एजतेकाआव बेखेवजेन्नाय मेचनिफ्राय लानानै फाइनलसिम गेलेगिरि आरो फेन्सफोर बे गेम सेन्जिं दुर्नामेन्टनि थाखाय दानिफ्रायनो नोजोर होनानै दड। आटलान्टा आरो डलासआ सेमिफाइनलखौ दैदेनगोन। 1994 वर्ल्ड कापखौबो आमेरिकायावनो खुंफुंनाय जादौंमोन आरो फाइनल मेचआ लस एन्जेल्सनि पासाडेनाआव थानाय रज बाउलआव खुंजादौंमोन। निउयर्कआ गोजाम जइन्टस स्टेडियमआव बे दुर्नामेन्टखौ खुंफुंनोमोन। जायनि उनाव मेटलाइफ स्टेडियमनि थाखाय लामा बानायनायनि थाखाय बे स्टेडियमखौ सिफायनानै लुफामनाय जाबाय। मेटलाइफ स्टेडियमखौ 2010 आव बेखेवनाय जादौंमोन। निउजासिनि इस्ट रडारफर्डआव

निउयर्कनिफ्राय हाटसन दैमासिम गासै 82 रोजानिखुइबो बांसिन जिरायनो हानाय केपासिटाआव जिरायनो हानाय मेटलाइफ स्टेडियमआव फेन्सफोर उदाडैनो रंजानाय लागोन। जेराव 2016 आव बे दुर्नामेन्टआव कपा आमेरिका दुर्नामेन्टनि फाइनलजौं लोगोसे गोबां हारिमियारि फुटबल दुर्नामेन्टफोरखौ खुंफुंनाय जाबाय। निउयर्कआ मेच दैदेनगोनखौ लानानै नायगिरिफोरजौं लोगोसे थांलाय-फैलाय गारिखौ सामलायनायनि थाखाय माखासे खाबुफोर खालामगोननि खोथा होदौं। मख'नो गोनादि, एजतेकाआ 1970 आरो 1986 नि उनाव गुबुन गुबुन सिजनआव वर्ल्ड काप दुर्नामेन्ट गेम्सखौ दैदेननाय गिबि स्टेडियम जासिगोन। बे स्टेडियमआ 1970 आरो 1986 आव जानाय दुर्नामेन्टनि फाइनलखौबो दैदेनौंमोन। रउन्ड अफ 16 नि मेचआ फेगौ 4 जुलाइनिफ्राय फिलाडेलफियाआव उदासि

सानजौं लोब्बायै जागोन। आमेरिकायाव मेचफोरनि जागायनाया 12 जुनखालि लस एन्जिल्सनि सफ्री स्टेडियमआव युप स्टेज मेचजौं जागायगोन। कानाडायाव गिबि खेब बे मेचआ टस्टआव खुंजागोन। 2026 फिफा वर्ल्ड कापआव हान्जाफोर मोन 32 निफ्राय बानानै मोन 48 जाहैगोन। थामहिनबा बे दुर्नामेन्टआव खेब 24 मेच बार जानानै खेब 104 मेच जाहैगोन। दुर्नामेन्टनि थाखाय मोन्ब्रे हान्जाफोरनि मोन 12 युप जागोन, जेराव मोनफ्रेम हान्जानिफ्राय टप 2 हान्जाफोर आरो थामथि मासिआव थानाय मोन 8 साबसिन हान्जाफोरा दुर्नामेन्टआव आवगायगोन। बेनि उनाव दुर्नामेन्टआव थौंजोडै नकआउटआव हाबगोन। बे दुर्नामेन्टनि थाखाय इआ 2025 नि जोबनायथिं जाहैनो हागौ।

## जारिमिन सोरजिनायनिफ्राय आगानसेल' जान्थायाव दड रबिन्द्र जाडेजाआ

गोदान दिल्ली, 31 मार्च: आइपिएल 2024 आव दिने खेबने मेच गेलेनाय जागोन। बेलासिनि मेचआ बिश्वाखापलमनि फोथारआव सिएसके आरो डिसिनि गेजेराव जागोन। बे मेचआव सिएसकेनि अल रउन्डार रबिन्द्र जाडेजाआ मोजाडै दिन्थिफुंनो नाजागोन। सिएसके आ बे मेचखौ देरहायोब्ला जाडेजानि मुडव मोनसे गिदिर रेकर्ड थिसनजागोन। जाय रेकर्डखौ दासिमाव बारा' केपेन एमएस धनीआल' थिसनो हादौं। रबिन्द्र जाडेजाआ आइपिएलआव लीगनि गिबि सिजननिफ्रायनो गेलेदौं। बिथाड आइपिएलआव दासिमाव खेब 130 मेच गेलेबाय। आधिखालाव आइपिएलआव बयनिखुइ बांसिन मेच देरहाय फारिआव



रहित शर्माआ नैथि नम्बरआव दड। एमएस धनीआ बे फारिआव 147 खेब देरहायजौं गिबि नम्बरआव जायगा आवग्रियो। बेबादि थासारिआव रबिन्द्र जाडेजाआ आरो रहित शर्मानि गेजेराव दासिमाव खेब 130-130 मेच देरहायनाय रेकर्ड थिसनानै दड। बेबादि समाव जाडेजाआ खेबसे मेच देरहायोब्लानो रहित शर्माखौ गाख्लायसिगोन। थामहिनबा सिएसकेनि हान्जाया खेबसे मेच

देरहायोब्लानो बिथाड खेब 130 नि बांसिन मेच देरहाय नैथि गेलेगिरि जानो हागोन। बे फारिआव बिथांमोननि उनाव दिनेश कार्तिकआ खेब 123 मेच देरहायजौं ब्रैथि आरो सुरेस रैनाआ खेब 122 मेचजौं बाथि नम्बरआव जायगा मोन्दौं। सिएसकेनि थाखाय बांसिन मेच देरहाय फारिआव खेब 132 मेचजौं एमएस धनीआ गिबि नम्बरआव, खेब 109 मेचजौं सुरेस रैनाआ नैथि, खेब 95 मेच

देरहायजौं रबिन्द्र जाडेजाआ थामथि नम्बरआव जायगा मोनो। बेनि अनगायै डावेन ब्राब'आ खेब 67 मेच आरो आर आस्विनआ खेब 60 मेच देरहायजौं ब्रैथि आरो बाथि नम्बरआव जायगा आवग्रियो। जाडेजाआ आइपिएलआव सिएसकेनि अनगायैबो राजस्तान रयेल्स, गुजराट लायन्स आरो कचि टस्कर्स के रेलानि थाखायबो गेलेखांबाय। आइपिएलआव बिथाडा दासिमाव खेब 228 मेच गेलेबाय। जायनि फारिआव बिथाड 26.45 जौखोन्दोजौं 2724 रान लाखांबाय। बे फारिआव बिथाड खेबनै हाफ सेन्सुरि रनबो लाखांबाय। जेराव जाडेजाआ बे मेचफोरव 7.59 इकनमी रेटजौं 152 उडकेटबो लाबाय।

## बपन्ना आरो एबडेननि जराआ जारिमिन सोरजिदौं

मियामी, 31 मार्च: सोलिफु बोसोराव मोजाडै दिन्थिफुंनयजौं जागायजेनाय 44 बोसोरनि रहन बपन्ना आरो मेथ्यु एबडेननि जराआ फाइनलआव क्रएशियानि इभान डीडिंग आरो आमेरिकानि आस्टिन क्रान्जिकेकनि जराखौ फेजेनानै बिमुं देरहाबाय। खेबसे सेटआव उन जानायनि उनाव बपन्ना आरो एबडेननि जराआ आवगायफिन्ना नै हाडै रक स्टेडियमआव बादायनाय बिमुंनि मेचआव 6-7(3), 6-3, 10-6 स्करआव देरहादौं। भारतनि मुंदांखा गेलेगिरि बपन्ना आरो अस्ट्रेलियानि एबडेननि जराआ हौवाफोरनि डाबल्स केटेगोरिनि बिमुं देरहादौं। जेराव बिसोर सानैनि जराआ सोलिफु बोसोराव नैथि खेब जारिमिन थिसनो हादौं। बपन्ना-एबडेननि जराआ एटिपि मास्टर्स 1000 नि टूफी देरहाय बैसो गोरसिन जरा जानो हाबाय। बेनि सिगां एबडेनआ बोसोरनि गिबि ग्रेन्डस्लेम अस्ट्रेलियानि अपेनआवबो सेम्पियन जानाय बैसो गोरसिन गेलेगिरि जादौंमोन। सोलिफु बोसोराव बपन्नाआ मोजाडै दिन्थिफुंनयजौं जागायदौं। बे फर्मजौंनो मियामी अपेनआव देरहायजौं बपन्नाआ गावनिनो मोनसे रेकर्डखौ सिफायनानै बयनिखुइबो बैसो गोरसिन एटिपि बिमुं देरहाय गेलेगिरि जानो हादौंमोन। जेराव बिथाड थांनाय बोसोराव इन्डियान



अयेल्सआव बिमुं देरहादौंमोन। अस्ट्रेलियानि अपेनआव जारिमिनारि देरहायनि उनाव बपन्नाआ एटिपि रेंकिंआव जौसिनआव सौहैदौंमोन। नाथाय

दुबाइ सेम्पियनसिपनि क्वार्टर फाइनल आरो इन्डियान अयेल्सनि रउन्ड 32 आव जेनायनि उनाव बिथाड नैथि नम्बरआव दावखलायनानै

फैदौंमोन। नाथाय मियामी अपेनआव बिमुं देरहायजौं बिथाड गोदानै समबारखालि फोसावजानो गोना रेंकिंआव गिबि नम्बरआव जायगा मोनफिन्दौं। भारतनि जाफुं सारनाय टेनिस गेलेगिरिफोरनि गेजेराव सासे बपन्नाआ गावनि केरियारआव गोबां जाफुंसारबाय। बपन्नानि थाखाय बिमुं देरहाय फाइनल मेचआ केरियारनि 14 थि एटिपि मास्टर्स 1000 नि फाइनलमोन। लोगोसे बिथाड गिबि खेब मियामी अपेननि

बिमुंनि मेचआव सौहैदौंमोन। अभार अल बेयो बपन्नानि 63 थि टुर लेभेलनि पाइनाल मेचमोन। बपन्नानि थाखाय बे बिमुंआ 26 थि डाबल्सनि बिमुं देरहाय। लोगोसे बिसोर सानै जरानि थाखाय बेयो बाथि एटिपि मास्टर्स 1000 नि फाइनलमोन। बेनि अनगायै बपन्नानि मुडव मोनसे जरा'खा रेकर्डबो थिसनजादौं। जेराव बिथाड लियेन्डार पेसनि उनाव गासैबो खेब 9 एटिपि मास्टर्स इभेन्टिनि फाइनलआव सौहैनाय नैथि भारतीय गेलेगिरि जानो हाबाय।

## भिराट कहलीआ अरेन्ज केपनि रेसआव गिनांगौ थासारिआव दड



गोदान दिल्ली, 31 मार्च: आइपिएलनि 17 थि सिजनआव हान्जाफोरनि गेजेराव बादायलायनायनि अनगायै गेलेगिरिफोरनि गेजेरावबो अरेन्ज केप आरो पार्ल केपनि रेसआव उन-सिगां जालायनायखौ नुनो मोनगासिनो दड। सोलिफु आइपिएलनि 11 थि मेच गेलेनायसिमाव गेलेगिरिफोरनि गेजेराव अरेन्ज केपनि थाखाय सेलेन्ज लाज्जलायनायखौ नुनो मोन्दौं। लखौ सुपार जइन्टस आरो पान्जाब किंसनि गेजेराव

गेलेनाय मेचनि उनाव अरेन्ज केपनि मेचआव माखासे सोलायनाय फैदौं। भिराट कहलीआ आधिखालाव बयनिबो सिगाडव दडब्लाबो टप 5 नि फारिलाइआव सानै गेलेगिरिफोर इन्ट्रि लाबाय। अरेन्ज केपनि रेसआव आरसिबिनि स्टार बेटसमेन कहलीआ खेबथाम मेचआव 90.50 जौखोन्दोजौं 181 रानआव सिगांसिनआव दड। जायनि फारिआव बिथाड खेबनै हाफ सेन्सुरिबो लादौंमोन।

नाथाय बे केपनि टप 5 नि फारिआव पान्जाब किंसनि केपेन शिखर धावन आरो लखौनि निकलास पुरनआबो हाबनो हाबाय। लखौ सुपार जइन्टस आरो पान्जाब किंसनि गेजेराव गेलेनाय मेचआव धावनआ 70 रान लानानै अरेन्ज केपनि रेसआव थामथि नम्बरआव सौहैदौं। गुबुन फासै पुरनआ बे मेचआव 21 बलआव 42 राननि इनिंस गेलेनायजौं बाथि नम्बरआव सौहैदौं। धावनआ आइपिएलनि सोलिफु सिजनआव गेलेनाय खेबथाम मेचआव 45.67 जौखोन्दोजौं 137 रान आरो पुरनआ खेबनै मेचआव 106 रान लाबाय। बिथांमोननि अनगायै टप 5 नि फरिआव सानरइजसै हद्दब्रावनि हेनरिक क्लासेनआ खेबनै मेचआव 142 रानजौं नैथि आरो राजस्तान रयेल्सनि रियान परगआ खेबनै मेचआव 127 रानजौं ब्रैथि फारिआव जायगा मोनो।

## स्पेन मास्टर्सआव भारतनि जावजाआ सेमिफाइनलआव जेनबाय

माद्रिद, 31 मार्च: एन सिक्कि रेड्डु आरो बि सुमित रेड्डुनि भारतीय मिक्स डाबल्स जराआ सेमिफाइनलआव जेन्नानै माद्रिद स्पेन मास्टर्स सुपार 300 दुर्नामेन्टआव जेन्नानै भारतनि सेलेन्जखौ फोजोब्बाय। इन्डेनसियानि रिनभ रिभाल्डि आरो पिठा हानिंटयास मेन्टारिनि जराआ बिसोर सानै भारतीय जराखौ 29 मिनिटआवनो 21-17, 21-12 स्करआव फेजेन्दौं। बे मोननै जराफोरनि गेजेराव बेयो मिक्स डाबल्स इभेन्टआव गिबिबैयै बादायलायनाय मेचमोन। सिक्कि रेड्डु आरो सुमित रेड्डुआ बेनि सिगां क्वार्टर फाइनलआव



इन्डेनसियानि रेहान नौफाल खुशारजान्ट आरो लिसा आयु खुसुमाबतिखौ 14-21, 21-11, 21-17 स्करआव फेजेन्दौंमोन। सुपानिडा कोट्येआ

भारतीय स्टार पिथि सिन्धुखौ बेनि सिगां 1 घन्टा 17 मिनिटसिम सोलिनाय क्वार्टर फाइनलनि सेलेन्जआव 24-26, 21-17, 21-10 स्करआव

फेजेन्दौंमोन। हंकेनि जुनेडि आरिफ आरो रय कग यापआ भारतनि एमआर अर्जुन आरो ध्रुव कपिलाखौ 21-19, 21-23, 21-17 स्करआव फेजेन्दौं।

## भारतीय आइजोफोरनि लीगनि समाव जानाय दाडा-बाजिआव गवा पुलिसआ दायनिगिरिखौ हमदौं

गोदान दिल्ली, 31 मार्च: मिडिया रिपर्टआव फोरमायनाय बादिब्ला, हिमाचल प्रदेशनि क्लब खद एफसिजौं सोमोन्दे थानाय सानै गेलेगिरिआ गवाआव जानाय भारतीय आइजोफोरनि लीगनि समाव गंसे हटेलनि रुमआव एआइएफएफ वर्कि कमिटीनि सोद्रोमा दिपक शर्मानि हेंथायै गाग्लोबनाय आरो गात्रि आखु दिन्थिनयनि अजद देखदौं। गेलेगिरि सानैआ दाय होनाय बादिब्ला, दिपकआ निसा लानाय थासारिआव गावसोरजौं नारा-नाथा जादौंमोन आरो गावसोरनि सायाव गाग्लोबदौं। जायनि जाउनाव आइजो गेलेगिरिफोरजौं बेबादि आखु दिन्थिनयन केसआव भारतीय फुटबल फेडोरेसननि वर्कि कमिटीनि सोद्रोमा दिपक शर्माखौ गवा पुलिसआ हमो। गेलेमु मावख'आ गावसोरनि गोखौं गोहोखौ दिन्थिनानै अल इन्डिया फुटबल फेडोरेसनखौ बे जाथायनि सायाव नायबिजिनो बिथोन होदौं। जेराव बे खौरनि सायाव गेलेमु मन्थि अनुराग ठाकुरआ रोखा खालामदौं। गेलेमु मन्थि ठाकुरआ जाथायनि सायाव नायबिजिनो बिथोन होनायनि सायाव रोखा खालामनानै गवाआव जानाय आइजोफोरनि लीगनि समाव आइजो गेलेगिरिफोरजौं कचनि गात्रि आखु दिन्थिनयनि सायाव बाथा बुडो। लोगोसे बेबादि आखु दिन्थिनयनि सायाव



मावख'निफ्राय नायबिजिनो बिथोन होनायखौ रोखा खालामो। रिपर्टनि बादिब्ला, कच दिपक शर्माआ हटेलनि सिडव निसा लानाय थासारिआव सानै गेलेगिरिनि सायाव देहायारि गाग्लोबदौं। पालक भर्मा आरो रितिका ठाकुरआ जाउनाव बिथांनि सायाव अजदलाइ थिसनो। अजदलाइआव फोरमायनाय बादिब्ला, थांनाय बृहस्पतिबारखालि हरनि जामुं जाखानाय समाव गावसोरनि समाव थांनाय समाव दिपक शर्माआ रागा जौंखानानै गावसोरनि रुमआव हाबदौंमोन। बे समाव बिथाड गावसोरखौ देहायारि साजा होनो गाग्लोबदौंमोन। जेराव बिथाड निसा लानाय थासारिआव दडमोन।

## पेरिस अलिम्पिकआव भारतीय हकी हान्जाया निउजिलेण्डनि सेलेन्जआव ओखारगोन

गोदान दिल्ली, 31 मार्च: भारतीय हौवाफोरनि हकी हान्जाया पेरिस अलिम्पिक 2024 आव गावसोरनि गेलेनाय अभियानखौ फेगौ 27 जुलाइखालि निउजिलेण्डनि सेलेन्जआव ओखारगोन। भारतीय हान्जाया पुल-बिनि फारिआव निउजिलेण्ड, बेल्जियम, अस्ट्रेलिया आरो आयारलेण्डजौं जुथायै लाखिजादौं। जेराव पुल-बिआव नेडारलेण्ड, जार्मानी, ब्रिटेन, स्पेन, फ्रान्स आरो खोला आफ्रिकानि हान्जाया दड। मख'नो गोनादि, 27 जुलाइनिफ्राय 2 आगस्टसिम पुल स्टेजनि मेचआव जोबनायनि उनाव क्वार्टर फाइनलआव 4



आगस्टआव जाहैगोन आरो सेमिफाइनलआव 6 आगस्टआव खुंजागोन। बेनि सानसे उनाव थामहिनबा 8 आगस्टखालि सनानि मेडेल आरो ब्रन्ज मेडेलनि मेच जागोन। निउजिलेण्डजौं बादायनाय

हान्जाया जारिमिनारि दिन्थिफुंनोमोन, जेराव हान्जाया 41 बोसोरनि उनाव गिबियै अलिम्पिक मेडेल देरहादौंमोन। बै समान मनप्रीट सिंहजौं दैदेनजानाय भारतआ ब्रन्ज मेडेलनि मेचआव जार्मानीखौ 5-4 स्करआव फेजेन्दौंमोन। जेराव बे मेचनि जागायजेनायाव भारतआ 1-3 स्करआव उन जादौंमोन। सिमरनजित सिंहनि गरनै, हरमनप्रीट सिंह आरो रुपिन्दर पाल सिंहनि गल सोनायानो भारतखौ आवगायहोफिन्दौंमोन आरो गोलाव सम मेडेलनि थाखाय नाजानायखौ मोखथाडव महर होदौंमोन।